



初唐第十五

唐詩紀十五

吳郡黃德水彙編

鄞郡吳瑄校訂

駱賓王

五言排律

棹歌行

寫月圖黃罷凌波拾翠通鏡花搖支日衣麝入荷

風葉密舟難蕩蓮疎浦易空鳳媒羞自託鴛翼恨

難窮秋

愁一作

帳燈光

華一作

翠倡樓粉色紅相思無

別曲併在棹歌中

海曲書情

薄遊倦千里勞生負百年未能槎上漢詎肯劍遊
燕白雲照春海青山橫曙天江濤讓雙壁渭水擲
三錢坐惜風光晚長歌獨塊然

蓬萊鎮

旅客春心斷邊城夜望高野樓疑海氣白鷺似江
濤結綬疲三入承冠泣二毛將飛憐弱羽欲濟乏
輕舸賴有陽春曲窮愁且代勞

和李明府

傳聞葉縣履飛向洛陽城馳道臨層掖津門對小
平霞殘疑製錦雲度似飄纓藻揆潘江澈塵虛范
甌清詎憐衝斗氣猶向匣中鳴

春晚從李長史遊開道林故山

幽尋極幽壑春望陟春臺雲光棲斷樹靈影入仙
杯古藤依格上野徑約山隈落葉翻風去流鶯滿
樹來興闌荀御動歸路起浮埃

冬日野望

言糸
不居卷之十三
故人無與晤安步陟山椒野靜連雲捲川明斷霧
銷靈巖聞曉籟洞浦漲秋潮三江歸望斷千里故
鄉遙勞歌徒自奏客魂誰爲招

晚渡黃河

千里尋歸路一葦亂平源通波連馬頰迸水急龍
門照日榮光淨驚風瑞浪翻棹唱依聞斷樵謳入
聽喧岸迴秋霞落潭深夕霧繁誰堪逝川上日暮

不歸

一作
池鄉魂

宿山莊

金陵一超忽玉燭幾還周露積吳臺草風入郢門
楸林虛宿斷霧磴險掛懸流拾青非漢策緇化類
秦裘牽迹猶多蹇勞生未寡尤獨此他鄉夢空山
明月秋

晚憩田家

轉蓬勞遠役披薜下田家山形類九折水勢急三
巴懸梁接斷岸澁路擁崩杳霧巖淪曉魄風淑漲
寒沙心迹一朝舛關山萬里賒龍章徒表越閩俗
本殊一作
非華旅行悲泛梗離贈折踈麻唯有寒潭

言糸 初唐卷之十五 三
菊獨似故園花

晚度天山有懷京邑

忽上天山路依然想物華雲疑上苑葉雪似御溝
花行歎戎麾遠坐憐一作衣帶賒交河浮絕塞弱
水浸一作流沙旅思徒漂梗歸期未及瓜寧知心
斷絕夜夜泣胡笳

夕次蒲類津

二庭歸望斷萬里客心愁山路猶南屬河源自北
流晚風連朔氣新月照邊秋竈火通軍壁烽煙上

戍樓龍庭但苦戰燕頷會封侯莫作蘭山下空令
漢國羞

遠使海曲春夜多懷

長嘯三春晚端居百慮盈未安胡蝶夢遽切魯禽
情別島連寰海離魂斷戍城流星疑伴使徂一作
月似依營懷祿寧期達牽時匪狗名艱虞行已遠
昧迹自相驚

早發諸暨

征夫懷遠路夙駕上危巒薄煙橫絕壑輕凍澁迴

言
不厚卷之十五
四
湍野霧連空暗山風入曙寒帝城臨灞涘禹穴枕
江干橘性行應化蓬心去不安獨掩窮途淚長歌
行路難

望月有所思

九秋涼風肅千里月華開圓光隨露湛碎影逐波
來似霜明玉砌如鏡寫珠胎曉色依關近邊聲雜
吹哀離居分照耀怨緒共徘徊自繞南飛羽空忝
北堂才

寓居洛濱對雪憶謝二

旅思眇難裁衝飈限易哀曠望洛川晚飄飄瑞雪
來積彩明書幌流韻繞琴臺色奪迎仙羽花避一作
遍犯靈一作霜梅謝庭賞方逸表扉掩未開高人儻
有訪興盡詎須迴

送吳七遊蜀

日觀分齊壤星橋抵蜀門桃花嘶別路竹葉瀉離
樽夏盡蘭猶茂秋新一作深柳尚繁霧銷山望迴風
高野聽喧勞歌徒欲奏贈別竟無言唯有當秋月
空照野人園

西行別東臺詳正學士

意氣坐相親關河別故人客似一作自秦川上歌疑

從一作易水濱塞荒行辨玉臺遠尚名輪洩井懷邊

將尋源重漢臣上苑梅花早御溝楊柳新只應持
此曲別作邊城春

和王記室從趙王春日遊陀山寺

鳥旗陪訪道鷲嶺狎棲真四禪明靜業三空廣勝
因祥河踈疊澗慧日皎重輪葉暗龍宮密花明鹿
苑春雕談筌奧旨妙辯漱玄津雅曲終難和徒自

奏巴人

夏日夜憶張二

伏枕憂思深擁膝獨長吟烹鯉無尺素筌魚勞寸
心踈麻空有折芳桂湛無斟廣庭含夕氣閒宇澹
虛陰織蟲垂夜砌驚鳥棲暝林驩娛百年促羈病
一生侵詎堪孤月夜流水入鳴琴

寒夜獨坐遊子多懷簡知已

故鄉眇千里離憂積萬端鶉服長悲碎蝸廬未卜
安富鈎徒有想貧鋏爲誰彈柳秋風葉脆荷曉露

文團晚金叢岸菊餘佩下幽蘭伐木傷心易維桑
歸去難獨有孤明月時照客庭寒

在軍中贈先還知己

蓬轉俱行役瓜時獨未還魂迷金闕路望斷玉門
關獻凱多慙霍論封一作幾謝班風塵催白首歲
月損容顏落鴈低秋塞驚鳧起暝灣胡霜如劍鏢
漢月似刀鏃別後邊庭樹相思幾度攀

秋日山行簡梁大官

乘馬陟層阜迴首睇山川攢峰銜宿霧壘巘架寒

煙百重含翠色一道落飛泉香吹分巖桂鮮雲抱
石蓮地偏心易遠致默體逾玄得性靈遊刃忘言
已棄筌彈冠勞巧拙結綬倦牽纏不如從四皓丘
中鳴一弦

晚泊江鎮

四運移陰律三翼泛陽侯荷香銷晚夏菊氣入新
秋夜烏喧粉堞宿鴈下蘆洲海霧籠邊徼江風繞
戍樓轉蓬驚別渚徙橘愴離憂魂飛灞陵岸淚盡
洞庭流振影希鴻陸逃名謝蟻丘還嗟帝鄉遠空

望白雲浮

浮槎

并序

遊目川上觀一浮槎泛泛然若木偶之乘流迷
不知其所適也觀其根柢盤屈枝幹扶踈大則
有棟梁舟楫之材小則有輪轅榱桷之用非夫
稟乾坤之秀氣含宇宙之淳精孰能負凌雲槩
日之姿抱積雪封霜之骨向使懷材幽藪藏穎
重巖絕望於巖廊之榮遺形於斤斧之患固可
垂蔭萬畝懸映九霄與建木較其短長將大椿

齊其年壽者而委根險岸託質畏途上爲疾風
衝颺所摧殘下爲奔浪迅波所激射基由壤括
勢以地危豈盛衰之理繫乎時封植之道存乎
我一墜泉谷萬里飄淪與波浮沈隨時逝止雖
殷仲文嘆生意已盡孔宣父知朽質難雕然而
遇良工逢仙客牛礪可託玉璜之路非遙匠石
先談萬乘之器何遠故材用與不用時也悲夫
然知萬物之相應感者亦奚必同聲同氣而已
哉感而賦詩貽諸同疾云爾

言終
初唐卷之十五
昔負千尋質高臨九仞峯貞心凌晚桂勁節掩寒
松忽值風飈折坐爲波浪衝摧殘空有恨擁腫遂
無庸渤海三千里泥沙幾萬重似舟飄不定如梗
泛何從仙客終難託良工豈易逢徒懷萬乘器誰
爲一先容

晚泊河曲

三秋倦行役千里泛歸潮通波竹箭水輕舸木蘭
橈金堤連曲岸貝闕影浮橋水淨千年近星飛五
老遙疊花開宿浪浮葉下涼飈浦荷疎晚酌津柳

漬寒條恹惶勞梗泛悽斷倦蓬飄仙槎不可託河
上獨長謠

早發淮口望盱眙

養蒙分四瀆習坎奠三荆徙帝留餘地封王表舊
城岸昏涵蜃氣潮滿應雞聲洲迴連沙靜川虛積
溜明一朝從捧檄千里倦懸旌背流桐柏遠逗浦
木蘭輕小山迷隱路大塊切勞生唯有貞心在獨
映寒潭清

邊城落日

言終
卷之十五
九
紫塞流沙北黃圖灞水東一朝辭俎豆萬里逐沙
蓬候月恒持滿尋源屢鑿空野昏邊氣合烽迴戍
煙通膂力風塵倦疆場歲月窮河流控積石山路
遠崆峒壯志凌蒼兕精誠貫白虹君恩如可報龍
劍有雌雄

宿温城望軍營

虜地寒膠折邊城夜柝聞兵符關帝闕天策動將
軍塞一作戍靜胡笳徹沙明楚練分風旗翻翼影霜
劍轉龍文白羽搖如月青山斷若雲煙疎疑卷幔

塵滅似銷氛投筆懷班業臨戎想顧勳還應雪漢
耻持此報明君

過故宋

舊國千年盡荒城四望通雲浮非隱帝日舉類遊
童綺琴朝化洽祥石夜論空馬去遙奔鄭蛇分近
帶豐池文歛束水竹影漏寒叢園兔承行月川禽
避斷風故宋誠難定從梁事未工唯當過周客獨
愧吳臺空

邊夜有懷

詩經
卷之十五
漢地行逾遠燕山去不窮城荒猶築怨碣毀尚銘
功古戍煙塵滿邊庭人事空夜關明隴月秋塞急
胡風倚伏良難定榮枯豈易通旅魂勞泛梗離恨
斷征蓬蘇武封猶薄崔駟官不工惟餘北叟意欲
寄南飛鴻

傷祝阿王明府

并序

夫心之悲矣非關春秋之氣聲之哀也豈移金
石之音何則事感則萬緒興端情應則百憂交
軫是以宣尼舊館流襟動激楚之悲孟嘗高臺

承睫下聞琴之淚祝阿王明府毓德丹穴襲吉
黃裳靈基峙金闕之峯層源瀨玉輪之坂既而
鴻飛漸陸將騁平與之龍鶴鳴在陰爰絆朝歌
之驥乃當名懸闕月德貫陳星豈徒遽切夢瓊
掩沈連石嗟乎輪銷桂魄驪珠毀貝闕之前斗
散紫氛龍劍沒延平之水某昔承嘉惠曲荷恩
光留連嘯歌從容風月撫心陳迹泣血漣洳然
而始終者萬物之大歸生死者百年之常分雖
則知理之可有而未曉情之可無聊綴悲歌敢

貽同好諸君或締交三益列宰一司或叶契筌
蹄投心膠漆如比肩於千里遽傷魂於九原既
切芝焚彌深蕙歎盍言四始同賦七哀庶蘭室
流薰襲遺芳而化德故蓬心申拙效庸音於起
予觸目多懷周增流動

洛川真氣上重泉惠政融含章光後烈繼武嗣前

雄與善一作契與良難驗生涯忽易窮翔鳧猶化履狎

雉尚馴童錢滿荒階綠塵浮虛帳紅夏餘將宿草

秋近未驚蓬煙晦泉門閉日盡一作遠夜臺空誰堪

孤隴外獨聽白楊風

四月八日題七級

化城分鳥堞香閣俯龍川複棟侵黃道重簷架紫

煙銘書非晉代壁畫是梁年霸畧今何在王宮尚

歸然二帝曾遊聖三卿是偶賢因一作昔茲遊勝侶

超彼託良緣我出有為界君登非想天悠悠青曠

裏蕩蕩白雲前今日經行處曲音號蓋煙

和孫長史秋日卧病

霍地踈天府潘園近帝臺調弦三婦至置驛五侯

詩紀 初唐卷之十五
來尚想歡娛洽吁嗟歲月催金壇分上將玉帳引
瓌材決勝鯨波靜騰謀鳥谷開白雲淮水外紫陌
灞陵隈節變驚衰柳笳繁思落梅調神和玉燭揆
藻握珠胎悵矣欣懷土居然欲死灰還因承雅曲
暫喜躍沈鯁

錢鄭安陽入蜀

彭門

一作山

折坂外井絡少城隈地是三巴俗人非

百里才畏

長一作

途君悵望岐

別一作

路我徘徊心賞

風煙隔容華歲月催遙遙分鳳野去去轉龍媒遺

錦非前邑鳴琴即舊臺劍門千仞起石路五丁開
海客乘槎渡仙章馭竹迴魂將離鶴遠思逐斷猿
哀唯有雙鳧鳥飛去復飛來

詠懷

少年識事淺不知交道難一言芬若桂四海臭如
蘭寶劍思存楚金鎚許報韓虚心徒有託循迹諒
無端太息關山險吁嗟歲月闌忘機殊會俗守拙
異懷安阮籍空長嘯劉琨獨未懽十步庭芳歛三
秋隴月團槐疎非盡意松晚夜凌寒悲調弦中急

言系
初唐卷之十五
窮愁醉裏寬莫將流水引空向俗人彈

春日離長安客中言懷

年華開早律霽色蕩芳晨城闕千門曉山河四望
春御溝通太液戚里對平津寶瑟調中婦金罍引
上賓劇談推曼倩驚坐揖陳遵意氣一言合風期
萬里親自惟安直道守拙忌因人談器非先木圖
榮異後薪椰揄慙路鬼憔悴切波臣玄草終疲漢
烏裘幾滯秦生涯無歲月岐路有風塵還嗟太行
道處處白頭新

夕次舊吳

維舟背楚服振策下吳畿盛德弘三讓雄圖枕九

圍黃池通霸迹

業一作

赤壁暢戎威文物俄遷謝英

靈有盛衰行歎鴟夷沒遽惜湛盧飛地古煙塵暗
年深館宇稀山川四望是人事一朝非懸劍空留
信亡珠尚識機鄭風遙可託關月眇難依西北雲
逾滯東南氣轉微徒懷伯通隱多謝買臣歸唯有
荒臺露薄暮濕征衣

早秋出塞寄東臺詳正學士

促駕踰三水長驅望五原天階一作街分斗極地理

接樓煩谿月明關隴戎一作胡雲聚塞垣山川殊物

候風壤異涼暄一作温戍古秋塵冷一作合沙寒宿霧

繁昔余迷學步投跡忝詞源蘭渚浮延閣蓬山欵

禁園影纓陪綬冕載筆偶與璠汲塚寧詳蠹秦牢

詎辨寃一朝從篚一作匪服千里驚輕軒鄉夢隨魂

斷邊聲入聽喧南圖終鍛一作斂翻北上遽摧轅弔

影慚連茹浮生倦觸藩數竒何以託桃李自無言

幽繫書情通簡知已

昔歲逢揚意一作陽曆觀光賁一作貴楚材穴疑丹鳳起

場似白駒來一命淪驕餌三緘慎禍胎不言勞倚

伏忽此邁遭迴驄馬刑章峻蒼鷹獄吏猜絕一作爭

縑非易辨疑壁果難裁揆畫一作捺拙慙周道端憂滯

夏臺生涯一滅裂岐路幾徘徊青陸春芳動黃沙

旅思催圓扉長寂寂踈網尚恢恢入窅先一作方搖

尾迷津正曝顛覆盆徒望日蟄戶未驚雷霜歇蘭

猶敗風多木屢摧地幽蠶室閉門靜雀羅開自憫

秦寃痛誰憐楚奏哀漢陽窮鳥客梁甫卧龍才有

言糸
不居卷之十五
三
氣還衝斗無時會鑿坏莫言韓長孺長作不然灰
又戍邊城有懷京邑

擾擾風塵地遑遑名利途盈虛一易舛心迹兩難
俱弱齡小山志寧期大丈夫九微光賁玉千仞忽
彈珠棘寺遊三禮蓬山遙八儒懷鉛慙後進投筆
願前驅北走非通趙西之似化胡錦車朝促候刁
斗夜傳呼戰士青絲絡將軍黃石符連星入寶劍
半月上雕弧拜井開疎勒鳴桴動密須戎機習短
蔗祆禊靜長榆季月炎初盡邊亭草早枯層陰籠

古木窮色變寒蕪海鶴聲嘹唳城烏尾畢逋葭繁
秋引色桂蒲夕輪虛行役風霜久鄉園夢想孤灞
池遙夏國秦海望陽紆沙塞三千里京城十二衢
楊溝連鳳闕槐路擬鴻都璧殿規宸象金隄法斗
樞雲浮西北蓋月照東南隅寶帳垂連理銀牀轉
輓轡廣筵留上客豐饌引中厨漏緩金徒箭嬌繁
玉女壺秋濤飛喻馬春水泛仙艫意氣風雲合言
忘道術趨共矜名已泰詎肯沫相濡有志慙雕朽
無庸類散樗關山暫超忽形影歎艱虞結網空知

言終
不居卷之十五
羨圖榮豈自誣忘情同塞馬比德類宛駒隴阪肝
腸絕陽關亭堠迂迷魂驚落鴈離恨斷飛鳧春去
榮華盡年來歲月無邊愁傷郢調鄉思繞吳歛河
氣通中國山途限外區相思若可寄水泮有銜蘆
過張平子墓
西鄂該通理南陽擅德音玉卮浮藻麗銅渾積思
深忽懷今日昔非復昔時今日日落豐碑暗風來古
木吟惟歎窮泉下終鬱羨魚心

五言絕句

在軍登城樓

城上風威冷江中水氣寒戎衣何日定歌舞入長
安

於易水送人

此地別燕丹壯髮上衝冠昔時人已沒今日水猶
寒

詠鏡

寫月無芳桂照日有花菱不持光謝水翻將影學
水

挑燈杖

稟質非貪熱焦心豈憚熬終知不自潤何處用脂膏

詠塵

飛 凌波起羅襪含風染素衣別有知音調聞歌應自

翫初月

文苑英華作沈佺期詩

忌滿光先一作缺乘昏影暫流既一作能明似鏡何用曲如鈎

送別

水 寒更承夜永涼夕向秋澄離心何以贈自有玉壺

七言絕句

憶蜀地佳人

東西吳蜀關山遠魚來鴈去兩難聞莫怪常有千行淚只為陽臺一片雲

雜言

詠鷺

七歲時作

言絲
初唐卷之二十五
六
鶯鶯曲項向天歌白毛浮綠水紅掌撥清波

不亦只為國重一六書

東西吳越開山發後來風去兩難開真各當十

謝靈運詩入

大言詩每

水

初唐第十五

初唐第十六

唐詩紀十六

吳郡黃德水彙編

鄆郡吳 瑄校訂

劉禕之

本傳云字希美晉陵人少與孟利貞高智周鄭正一俱以文藻知名號為劉孟高郭上元中與元萬頃等偕召入禁中論次新書高宗又密令參決時政以分宰相之權時謂北門學士武后時為鳳閣侍郎後以罪賜死

酬鄭沁州

騏閣一代良熊軒千里躅緝圖昭國典按部留宸
矚匪厭承明廬佇兼司隸局芸書暫輟載行使方

詩紀

初唐卷之十六

一

臨俗節變風緒高秋深露華溽寒山斂輕靄霽野
澄初旭已切一作長年悲誰堪岐路促遙林征馬
迅別館嘶驂躅雅贈響撻金索居暎倚玉悽斷離
鴻引勞歌思足曲

奉和太子納妃太平公主出降

夢梓光青陞穠桃藹紫宮德優宸念遠禮備國姻
崇萬戶聲明發三條騎吹通香輪送重景絲旆引
仙虹

奉和別越王

周屏辭金殿梁驂整玉珂管聲依折柳琴韻動流
波鶴蓋分陰促龍軒別念多延襟小山路還起大
風歌

孝敬皇帝挽歌

上元二年太子弘薨
詔追謚爲孝敬皇帝

戒奢虛蜃輅錫號紀鴻名地叶蒼梧野途經紫聚
城重照掩寒色晨飈斷曙聲一隨仙驥遠霜雪愁
陰生

九成宮秋初應詔

帝圃疏金闕仙臺駐玉鑿野分明鸞岫路接寶雞

言紀 卷之十一
壇林樹千霜積山宮四序寒蟬急知秋早鶯踈覺
夏闌怡神紫氣外凝睇白雲端舜海詞波發空驚
遊聖難

郭正一

文苑傳云彭城人貞觀中舉進士永淳中歷官至中書侍郎明習舊事兼有詞學號為稱職永昌中為酷吏所陷流死嶺南

奉和太子納妃太平公主出降

一作上官儀詩

桂宮初服冕蘭掖早升笄禮盛親迎晉聲芬出降
齊金龜開瑞鈕寶翟上仙梯轉扇承宵月揚旌照
夕蜺

裴守真

孝友傳云絳州人事母至孝高宗時為太常博士天授中為司憲府丞武后令詔獄多平恕不合旨出刺成州徙寧州卒

奉和太子納妃太平公主出降

瑜珮升青殿穠華降紫微還如桃李發更似鳳凰
飛金屋真離象瑤臺起婺徽綵纓紛碧坐績羽泛
綸衣雲路移彤輦天津轉明鏡仙珠照乘歸寶月
重輪映望園嘉宴洽主第歡娛盛絲竹揚帝薰簪
裾奉宸慶藂雲靄曉光湛露晞朝陽天文天景麗
睿藻睿詞芳玉庭散秋色銀宮生夕涼太平超邃

古萬壽樂無疆

胡元範

申州義陽人武后時為鳳閣侍郎
坐救裴炎流死瓊州見裴炎傳

奉和太子納妃太平公主出降

帝子威儀絕儲妃禮度優疊鼓陪仙觀凝笳翼畫
輶鬱鬱神香滿奕奕彩雲浮排空列錦罽騰觀溢
皇州金閨未息火玉樹鍾天愛月路飾還裝星津
動歸佩紫極流宸渥清規佇慈誨恩波洽九流光
輝軼千載列席詔親賢式宴坐神仙聖文飛聖筆
天樂奏鈞天曲池涵瑞景文宇孕祥煙小臣同百

獸率舞悅堯年

任奉古

字敬五棣州人刻志從學後舉孝廉虞
世南器其人為弘文館學士終太子舍

人。紀事
名希古

奉和太子納妃太平公主出降

帝子陞青陸王姬降紫宸星光移雜珮月彩薦重
輪龍旌翻地杪鳳管颺天濱槐陰浮淺瀨葆吹翼
輕塵

和東觀羣賢七月七日臨泛昆明池

秋風始搖落秋水正澄鮮飛眺牽牛渚激賞鏤鯨

川岸珠淪曉魄池灰歛曙煙泛查分寫一作漢儀

星別構一作架天雲光波處動日影浪中懸驚鴻絃

蒲弋遊鯉入莊筌萍葉疑江上菱花似鏡前長林

代輕幄細草即芳筵文華開翠瀨筆海控清漣不

挹蘭樽聖空仰桂舟仙

和長孫秘監伏日苦熱

玉署三時曉金羈五日歸北林開逸徑東閣敞閒

扉池鏡分天色雲峯減日輝游鱗映荷聚驚翰遶

林飛披襟揚子宅舒嘯仰重闈

元萬頃

文苑云洛陽人善屬文乾封中從李勣征高麗為遼東道總管記室後拜著作郎召修撰禁中朝廷疑議百官表疏皆密令參決時人謂之北門學士武后臨朝遷鳳閣

侍郎坐事流死嶺南

奉和太子納妃太平公主出降

象輅初乘鴈璇宮早結褵離元應春夕帝子降秋

期鳴瑜合荐響比玉麗穠姿和聲躋鳳掖交影步

鸞墀

奉和春日池臺

日影飛花殿風文積草池鳳樓通夜敞虬輦望春

移

奉和春日

鳳輦迎風乘紫閣
鸞車避日轉彤闈
中堂促管淹
春望後殿清歌開
夜扉

王德貞

武后時為納言又為侍中後以罪流象州

奉和聖製過温湯

握圖開萬寓
屬聖啓千年
驪阜疏緹騎
驚鴻映綵旃
玉霜鳴鳳野
金陣藻龍川
祥烟聚危岫
德水溢飛泉
停輿興睿覽
還舉大風篇

鄭義真

紀事云高宗時人

奉和聖製過温湯

洛川方駐蹕
豐野暫停鑿
湯泉恒獨涌
温谷豈知寒
漏鼓依巖畔
相風出樹端
嶺煙遙聚草
山月迴臨鞍
日用誠多幸
天文遂仰觀

楊思玄

紀事云高宗時人

奉和聖製過温湯

豐城觀漢迹
温谷幸秦餘
地接幽王壘
塗分鄭國渠
風威肅文衛
日彩鏡雕輿
遠岫凝氛重
寒叢對

影踈迴瞻漢章闕佳氣滿宸居

奉和別魯王

元王詩傳博文后寵靈優鶴蓋動宸眷龍章送遠
遊函關疏別道灞岸引行舟北林分苑樹東流溢
御溝鳥聲含羽碎騎影曳花浮聖澤九垓普天文
七曜周方圖獻雅樂簪帶奉鳴球

賀啟

奉和九月九日應制

商飈凝素籥玄覽音黃圖曉霜驚斷鴈晨吹結相

栖作烏寒花低岸菊涼葉下庭梧澤宮申舊典相

圃叶前模玉砌分雕戟金溝轉鏤戰帶星飛夏箭
映月上軒弧慶展簪裾洽恩融雨露濡天文發丹
篆寶思掩玄珠承懽徒聳抃負弛竊忘軀

蕭楚材 高宗時為太常博士

奉和展禮佾宗塗經濮濟

拂漢星旗轉分霄日羽明將追會阜跡更勒佾宗
銘林戈咽濟岸獸鼓震河庭葉箭凌寒矯烏弓望
曉驚已降汾水作仍深迎渭情

薛克構

奉和展禮儀宗塗經濮濟

龍圖冠胥陸鳳駕指云亭非煙泛濟浦綠字啟河
汀畫裳晨應月文戟曙分星四田巡揖禮三驅道
契經行欣奉萬歲竊抃偶千齡

貞半千

文苑傳云字榮期晉州臨汾人少嘗師事王義方義方曰五百年一賢者生子宜當之因改今名上元初應入科師舉證聖中累為弘文館直學士後以忤旨左遷水部郎中預修三教珠英中宗時為濠州刺史睿宗即位徵拜太子右諭德崇文館學士累封平原郡公開元二年卒

隴頭水

路出金河道山連玉塞門旌旗雲裏度楊柳曲中
喧蹶血多壯膽裹革無怯魂嚴霜斂曙色大明辭
朝噉塵銷營卒壘沙靜都尉垣霧卷白山出風吹
黃葉翻將軍獻凱入萬里絕河源

隴右途中遭非語

趙有兩毛遂魯聞二曾參慈母有且惑况在行路
心冠冕無醜士賄賂成知己名利我所無清濁誰
見理敝服空庭春緩帶不着身出遊非懷璧何憂

乎忌人正須自保愛振衣出世塵

于季子

咸亨中登進士第見紀事

詠螢

卉草誠幽賤枯朽絕因依忽逢借羽翼不覺生光輝直念恩華重長嗟報効微方思助日月為許願曾飛

詠雲

瑞雲千里映祥輝四望新隨風亂鳥足泛水結魚鱗布葉疑臨夏開花詎待春願得承嘉景無令掩

桂輪

早春洛陽答杜審言

梓澤年光往復來杜霸遊人去不迴若非載筆登麟閣定是吹簫伴鳳臺路傍桃李花猶嫩波上芙蓉葉未開分明寄語長安道莫教留滯洛陽才

詠項羽

北伐雖全趙東歸不王秦空歌拔山力羞作渡江人

詠漢高祖

百戰方夷項三章且代秦功歸蕭相國氣盡戚夫
人

南行別弟

一作楊師道詩英華
作韋承慶南中詠鴈

萬里人南去三春鴈北飛不知何歲月得與爾同

歸

徐玠

紀事云高宗時人

日暮望涇水

導源經隴阪屬汭貫羸都下瀨波常急迴圻溜亦
紆毒流秦卒斃泥糞漢田腴獨有迷津客懷歸軫

暮途

楊衡

白紵辭二首

玉纓翠珮雜輕羅香汗微漬朱顏酡為君起唱白
紵歌清聲裏雲思繁多疑笳哀琴時相和金壺半
傾芳夜促梁塵霏霏暗紅燭令君安坐聽終曲墜
葉飄花難再復

躡珠履步瓊筵輕身起舞紅燭前芳姿豔態妖且
妍迴眸轉袖暗催弦涼風瀟瀟漏一作水急月華

泛灩紅蓮濕牽裙攬帶翻成泣

辛常伯

駱賓王同時人賓王軍中行路難自注云同辛常伯作

軍中行路難

君不見封狐雄虺自成羣憑深負固結妖氛玉璽
分兵徵惡少金壇授律動將軍將軍擁麾宣廟畧
戰士橫戈靜夷落長驅一息背銅梁直指三危一作

巴

逾一作

劍閣閣道岩堯起

上一作

戍樓劍門遙裔

俯靈丘叩關九折無平路江水雙源有急流征役
無期返他鄉歲華晚杳杳丘陵出蒼蒼林薄遠途

危紫蓋峯路澁青泥坂去去指哀牢行行入不毛
絕壁千里險連山四望高中外分區宇夷夏殊風
土交趾枕南荒昆彌臨北戶川原饒毒霧谿谷多
淫雨行潦四時流崩查千歲古漂梗飛蓬不暫安
捫蘿引葛陟一作危巒昔時聞道從軍樂今日方
知行路難滄江綠水東流駛炎州丹徼南中地南
中南斗映星河秦關秦塞阻煙波三春邊地風光
少五月瀘川瘴癘多朝驅疲斥候夕息倦樵歌向
月彎繁弱連星轉太阿重義輕生懷一顧東伐西

言糸
征丸幾度夜夜朝朝斑鬢新年年歲歲戎衣故灞
城隅滇池水天涯望轉積地際行無已徒覺炎涼
節物非不知關山千萬里棄置勿重陳重陳一作征行
多苦辛且悅清笳梅柳曲詎憶芳園桃李人絳節
紅旗分日羽丹心白刃酬明主但令一被君王知
誰憚三邊征戰苦行路難行路難岐路幾千端無
復歸雲憑短翰空餘望日想長安

邵大震

紀事云大震爲
盧照隣同時人

九月九日登玄武山旅望

九月九日望遙空秋水秋天生夕風寒鴈一向南
飛遠遊人幾度菊花叢

杜易簡

文苑傳云襄陽人九歲能屬文及長博
學有高名舉進士累轉殿中侍御史咸
亨中爲考功員外坐朋黨左
轉開州司馬卒有集二十卷

湘川新曲二首

昭潭深無底橘洲淺而浮本欲凌波去翻爲目
留願君稍弭楫無令賤妾羞

二八相招攜採菱渡前谿弱腕隨橈起纖腰向舸
低自解看花笑憎聞染竹啼

張鷟

字文成爲兒時夢紫文木鳥五色成文其大父曰鷟鷟也若壯殆以文章瑞朝廷乎

遂命以名應三科俱登上第累遷司門員外

詠燕

變石身猶重銜泥力尚微從來赴甲第兩起一雙

飛

按唐新語此是末章非全篇也

張楚金

唐新語云楚金年十七與兄越石同以茂才應舉俱擢第遷刑部尚書後爲周

與所階

逸人歌贈李山人

上有堯兮下有由眠松陽兮漱潁流其貌古其心

幽浩歌一曲兮林壑秋道險可驚兮人莫用樂天
知命兮守巖洞時擊磬兮嗟鳴鳳吾欲知往古之
不可追目悠悠於凡夢

初唐第十六

初唐第十七

唐詩紀十七

鄆郡吳瑄彙編

江都陸弼同校

劉允濟

文苑傳云洛州人少孤事母甚謹博學善屬文與王勃齊名弱冠舉進士累除

著作佐郎撰魯後春秋二十卷上之遷左史直弘文館垂拱中明堂初成奏賦以諷拜著

作郎長安中拜鳳閣舍人坐與張易之款狎左授青州長史

經廬岳迴望江州想洛陽有作

龜山帝始營龍門禹初鑿出入經變化俯仰憑寥

廓未若茲山功連延並巫霍東北流

一作

艮象西

南距坤絡宏阜自鬱盤高堙一作標復迴薄勢入柴

桑渚陰開彭蠡壑九江杳無際七澤紛相錯雲雨

一作震散吳會風波騰鄒都一作鄂跡隨造化久利與

乾坤博盼蠻精氣通紛綸潛怪作一作錯石渠忽見

踐金房安可託地入天子都巖有仙人藥二門幾

迢邐三宮何儵爚咫尺窮杳冥跬步皆恬漠才一作

林驚羽翰幽居靜龍蛇蠖明牧振雄詞棣一作地華

殊灼灼盛業匡西夏深謀贊禹亳黃雲覆鼎飛絳

氣橫川躍佐曆符賢運人期茂天爵禮樂富垂髻

詩書成舞勺清輝靖品電利器騰霜鏐遊聖挹嚮

樽鄰畿恭木鐸牆仞包武侯波瀾控文若旋聞刈

薪楚一作翹遽覩折一作爾葵藿稷高序揆圖良平公

輔畧重臣資出守英藩諒求瘼豫章觀偉材江州

訪靈嶧陽岫曉氛氤陰崖暮蕭索潛一作雌伏屢鯨

奔雄飛更鷲搏驚獮透煙霞騰猿亂枝格音洛故園

有歸夢他山非行樂帝鄉徒可遊湟澗終旅一作旋

泊景物觀淮海雲霄望河洛城闕紫微星圖書玄

扈閣神功多粉績元氣猶斟酌丞相下南宮將軍

趨北落橫簪並附蟬列鼎俱調鶴四郊野一作時迷

路五月先投龕池榭宣瓊管風花亂珠箔舊遊勞

夢寐新知無悅樂天寒欲贈言歲暮期交約夜琴

清玉柱秋灰變緹幕風雲動翰林宮徵調文籥言

泉激為浪思緒飛成繳千里輝珠璣五采含丹腹

鍾鼓旋驚鷄瑾瑜俄抵鵲竊價慙庸怠叨聲逾寂

寞長望限南溟居然翳東郭

詠琴

昔在龍門側誰想鳳鳴時雕琢今為器官商不自

持巴人緩踈節楚客弄繁絲欲作高張引翻成下

調悲

怨情

玉關芳信斷蘭閨錦字新愁來不自抑念切已含

嘖虛牖風驚夢空牀月厭人歸期倘可促勿度柳

園春

魏元忠

本傳云宋州人儀鳳中以太學生上封事授秘書省正字遷侍御史監李孝逸

軍平徐敬業擢司刑正聖曆中拜鳳閣侍郎坐忤張易之貶高安尉中宗即位召為衛尉

卿累遷中書令封齊國公節愍太子誅武三思元忠預謀貶渠州貞外至涪陵卒開元中

詩已

初唐卷之十七

三

言系
追謚
曰忠

修書院學士奉勅宴梁王宅

賦得門字

大君敦宴賞萬乘下梁園酒助閒平樂人霑雨露
恩榮光開帳殿佳氣滿旌門願陪南岳壽長奉北
宸樽

銀漢宮侍宴應制

得枝字

別殿秋雲上離宮夏景移寒風生玉樹涼氣下瑤
池灑花仍吐葉巖木尚抽枝願奉南山壽千秋長
若斯

李懷遠

本傳云邢州柏仁人好學善屬文應四
科舉累除司禮少卿武后時為鸞臺侍
郎同中書門下三品進
封趙國公卒謚曰成

凝碧池侍宴看競渡應制

上苑清鑾路高居重豫遊前對芙蓉沼傍臨杜若
洲地如玄扈望波似洞庭秋列筵飛翠傘分曹戲
鷁舟湍高棹影沒岸近榜歌適舞曲依鸞殿簫聲
下鳳樓忽聞天上樂疑逐海查流

鄭蜀賓

滎陽人善
五言詩

別親朋

按此詩長壽中作
隋詩紀收者非

詩已

初唐卷之二十七

四

紀事云蜀賓年老為江左一尉親朋餞於上東門蜀賓賦詩云云酒酣自詠聲調哀戚竟卒于官

畏途方萬里生涯近百年不知將白首何處入黃泉

韋承慶

字延休陽武人少恭謹事繼母以孝聞舉進士補雍王府參軍府中文翰悉出其手長壽中累遷鳳閣舍人以後三掌天官

選事銓授平允海內稱之後知政事坐附推張昌宗失實流嶺表歲餘起辰州刺史入為秘書少監封扶陽縣子遷黃門侍郎未拜卒。紀事云韋氏孝友詞學則承慶嗣立遂音樂有萬石達禮儀則叔夏史才博識有述時趙冬曦兄弟亦各有名張說曰韋趙兄弟人之杞梓

折楊柳

萬里邊城地三春楊柳節葉似鏡中眉花如關外雪征人遠鄉思倡婦高樓別不忍擲年華含情寄攀折

寒食應制

鳳城春色晚龍禁早暉通舊火收槐燧餘寒入桂宮鶯啼正隱葉雞鬪始開籠藹藹瑤山滿仙歌始樂風

直中書省

清切鳳皇池扶踈雞樹枝唯應集鸞鷲何為宿羈
 雌大造乾坤闢深恩雨露垂昆蚊既含養鴛駘亦
 驅馳木偶翻為用芝泥忽濫窺九思空自勉五字
 本無施徒喜逢千載何偕答二儀螢光向日盡蚊
 力負山疲禁宇庭除闕閒宵鍾箭移暗花臨戶發
 殘月下簾歎白髮隨年改丹心為主披命將時並
 泰言與行俱危寄謝登巢客堯年復一作在斯

南行別弟

澹澹長江水悠悠遠客情落花相與恨到地一無

聲

江樓

獨酌芳春酒登樓已半曛誰驚一行鴈衝斷過江雲

韋嗣立

鄭州人思謙子也少舉進士與兄承慶俱以學行齊名長壽中為鳳閣舍人長

安中為天官侍郎遷鳳閣侍郎知政事神龍中為黃門侍郎前後四職兄弟相代又父子三人皆至宰相有唐以來莫與為比嘗於驪山構別業中宗親往幸焉因封為逍遙公睿宗立拜中書令為憲司所劾左遷岳州別駕遷陳州刺史卒見思謙傳

奉和九日幸臨渭亭登高應制

得深字

層觀遠沈沈鸞旗九日臨帷一作行宮壓水岸步輦
 入煙岑枝上萸新採樽中菊始斟願陪歡樂事長
 與歲時深

奉和張岳州王潭州別詩二首 并序

予昔忝省閣與岳州張使君說潭州王都督熊
 同官聯事後承朝譴各自東西張公與王都督
 別詩二首情頗殷切余覽以嘆因遥申和云
 茂先王佐才作牧楚江隈登樓正欲賦復遇仲宣
 來黃鵠飛將遠雕龍文為開寧知昔聯事聽曲有

餘哀

昔時陪二賢纓冕會神仙一去馳江海相逢共播
 遷無因千里駕忽覩四愁篇覽諷歡何已歡終徒
 愴然

奉和初春幸太平公主南莊應制

主第巖扃架鵲橋天門閭闔降鸞鑣歷亂旌旗轉
 雲樹參差臺榭入煙霄林間花雜平陽舞谷裏鶯
 和弄玉簫已陪沁水追歡日行奉茅山訪道朝
 偶遊龍門北谿忽懷驪山別業因以言志

示弟淑奉呈諸大僚

幽谷杜陵邊風煙別幾年
 偶來伊水曲谿嶂各依然
 傍浦憐芳樹一作尋崖愛綠泉
 嶺雲隨馬足山鳥向人前
 地合心俱靜言因理自玄
 短才叨重寄尸祿愧妨賢
 每挹挂冠侶思從初服旋
 稻梁仍欲報歲月坐空捐
 助岳無纖塊輸溟謝末涓
 還悟北轅失方求南澗田

自湯還都經龍門北谿贈張左丞崔禮部

崔光祿并序

僕自湯還都經龍門北谿
 莊宿張左丞崔禮部崔光祿
 並枉垂光顧數公宿敦道義
 雅尚林壑謂急於幽尋故此
 命駕遂不知別有勝賞偶然
 相過寒暄未周神意已往雲
 霞之致茂而不存逸轡放驅
 清塵徒企耿歎不已而贈是
 詩

栖間有愚谷好事枉朝軒
 樹接前驅擁巖傳後騎喧
 寒簾出野院植杖候柴門
 既拂林下席仍携池上樽
 深期契幽賞實謂展歡言
 未眷誠未易佳遊時更敦
 俄看嘯儔侶各已共飛騫
 延睇盡朝日長

言系 初唐卷之十七
懷通夜魂空聞岸竹動徒見浦花繁多愧春鶯曲
相求意獨存

酬崔光祿冬日述懷贈答

并序

光祿崔卿公懷通識濟時良具材器耽圖籍愛
林泉不遺琴詠門多長者善與人交僕忝臺閣
早經聯事雖幸揖風采而不接殷勤崔公以雅
道自居未嘗至偃之室及僕積抱羸疾屢期放
退朝廷恩假職以優閒多取急歸林服餌爲事
門堪羅雀庭見狎鷗崔公則多存訪不避風雨

方知向時迹也今晨情也蘭菊春秋自芳竹栢
歲寒無變僕敬之重之故不能忘也嘗談及詞
翰頗申倚撫忽枉贈章因以投報云爾

亭伯負高名羽儀稱上京魏珠能燭乘秦璧許連
城六月飛將遠三冬學已精洛陽推賈誼江夏貴
黃瓊推演中都術旋參河尹聲累遷登御府移拜
踐名卿庭聚歌鍾麗門羅繁戟榮鸚杯飛廣席獸
火列前楹散誕林園意殷勤敬愛情無容抱衰疾
良宴每招迎契得心逾重言忘道益真相勗忠義

節共談詞賦英雕蟲曾靡棄白鳳已先鳴光接神
愈駭音來味不成短歌甘自思鴻藻彌難清東里
方希潤西河敢竊明厚誣空見迫喪德豈無誠端
守宮闈地寒煙朝暮平顧才無術淺懷器識憂盈
月下對雲闕風前聞夜更昌年雖共偶歡會此難
并爲憐漳浦曲沈痼有劉楨

上巳日褱襖渭濱應制

乘春褱襖逐風光扈蹕陪鸞渭渚傍還笑當時水
濱老衰年八十待文王

王紹宗

儒學傳云字承烈江都人少勤學徧覽
經史尤工草隸家貧常傭力寫佛經以
自給垂拱中徐敬業亂楊州徵之不起武后
聞之拜太子文學轉秘書少監性冲澹以儒
見稱後坐與張易之兄弟來往見
廢按名畫記紹宗瑯琊人亦善畫

三婦艷

大婦能調瑟中婦詠新詩小婦獨無事花庭曳履
綦上客且安坐春日正遲遲

田遊巖

隱逸傳云京兆人隱箕山就許由廟東
築室而居自稱許由東隣高宗幸嵩山
遣問其母遊巖山衣田冠出拜帝曰先生比
佳否對曰臣泉石膏肓烟霞痼疾既逢聖代
幸得逍遙勅赴都拜崇文館學士進太
子洗馬後坐與裴炎交納特放還山

言糸
弘農清巖曲有磐石可坐宋十一每拂拭
待余寄詩贈之

信彼稱靈石居然狎道棲徘徊承翠巘斌駁帶深
谿夕陰起層岫清景半虹蜺風來應嘯阮波動可
琴嵇僕也潁陽客望彼空思齊儻見山人至簪蒿
且杖藜

房融

河南人武后時為相神龍中與死高州見紀事

謫南海過韶州廣界寺

一作始興廣勝寺果上人房

零落嗟殘命蕭條託勝因方燒三界火遽洗六情

塵隔嶺天花發凌空月殿新誰憐鄉國思從此學
分身

東方虬

紀事云武后時為左史嘗曰百年後可與西門豹作對

昭君怨三首

漢道方全盛朝廷足武臣何須薄命妾辛苦事和
親
拚淚辭丹鳳銜悲向白龍單于浪驚喜無復舊時
容

胡地無花草春來不似春自然衣帶緩非是為腰

詩已

初唐卷之十一

十一

身

容

春雪

春雪滿空來觸處似花開不知園裏樹若箇是真梅

張柬之

本傳云字孟將襄陽人涉獵經史尤好三禮擢進士第為青城丞永昌中以賢良徵試同策千餘人柬之為第一拜監察御史長安中歷官至鳳閣侍郎知政事首謀誅張易之兄弟中宗即位遷中書令封漢陽郡王表請歸襄陽特授本州刺史尋為武三思所構貶新州司馬卒

大堤曲

南國多佳人莫若大堤女玉牀翠羽帳寶祿蓮花距魂處自目成色授開心許迢迢不可見日暮空愁予

東飛伯勞歌

青田白鶴丹山鳳婺女姮娥兩相送誰家絕世綺帳前豔粉紅脂映寶鈿窈窕玉堂寒翠幙參差綉戶懸珠箔絕世三五愛紅粧冶袖長裾蘭麝香春去花枝俄易改可歎年光不相待

出塞

俠客重恩光駉馬飾金裝
警聞傳羽檄馳突救邊
荒歛野山川動囂天旌旆揚
吳鈎明似月楚劍利
如霜電斷衝胡塞風飛出
洛陽轉戰磨笄俗橫行
戴斗鄉手擒郅支長面縛
谷蠡王將軍占太白小
婦怨流黃驪裹青絲騎娉
婷紅粉粧三春鶯度曲
八月鴈成行誰堪坐愁思
羅袖拂空牀

與國賢良夜歌二首

柳臺臨新堰樓堞相重複
窈窕鳳皇姝傾城復傾
國

杏間花照灼樓上月徘徊
帶嬌移玉柱含笑捧金
杯

魏知古

本傳云深州人性方直有才名舉進士授著作郎長安中歷遷鳳閣舍人神龍

初拜吏部侍郎景雲中遷散騎常侍同平章事累封梁國公開元中改紫微令除工部尚書卒宋璟聞而歎曰叔向古之遺直子產古之遺愛能兼之者其在魏公謚曰忠有文集

卷七

和中書侍郎楊再思春夜寓直鳳閣懷羣

公

拜門傳漏晚寓直索居時昔重安仁賦今稱伯玉

詩鴛池滿不溢雞樹久逾滋夙夜懷山甫清風詠
所思

玄元觀尋李先生不遇

羽客今何在空尋伊洛間忽聞歸苦縣復想入函
關未作千年別猶應七日還神仙不可見寂寞返
蓬山

奉和春日途中喜雨

皇輿一作遊向洛城時雨應天行麗日登巖送陰雲
出野迎濯枝林杏發潤葉渚蒲生絲入綸言喜花

依錦字明微臣忝東觀載筆佇西成

從獵渭川獻詩

知古傳云先天初從上畋獵渭川因獻詩以
諷云云手詔褒之曰夫詩寫其心懷實可諷
諭君主揚雄陳羽獵子虛賦上林爰自風雅
率由斯道卿有箴規輔予不逮自非欵誠夙
著其孰能
繼於斯耶

嘗聞夏太康五弟訓禽荒我后來一作成冬狩三驅

盛禮張順時鷹隼擊講事武功揚奔走未成一作及

去翮飛豈暇翔非熊從渭水瑞雉一作翟想陳倉此

欲誠難縱茲遊不可常子雲陳羽獵僖伯諫魚棠

得失鑒齊楚仁恩念禹湯雍熙亮在宥亭毒匪多
傷辛庚一作甲今為史虞箴遂孔彰

初唐第十七

初唐第十八

唐詩紀十八

鄆郡吳瑄彙編

江都陸弼同校

蘇味道

本傳云趙州樂城人與鄉人李嶠以文辭知名時謂蘇李弱冠舉進士累轉咸陽尉延載中遷鳳閣侍郎證聖元年坐事出為集州刺史俄召拜天官侍郎聖曆初復同鳳閣鸞臺三品前後居相位數載多識臺閣故事但事無決斷人號為蘇摸稜坐張易之黨貶鄆州卒有集十五卷行世

初春行宮侍宴應制

得天字

温液吐涓涓跳波急應弦簪裾承睿賞花柳發韶

年聖酒千鍾洽宸章七曜懸微臣從此醉還似夢
釣天

單于川對雨二首

崇朝邁行雨薄晚屯密雲綠階起素沫竟水聚圓
文河柳低未舉山花落已芬清樽久不薦淹留遂
待君

飛雨欲迎旬浮雲已送春還從濯枝後來應洗兵
辰氣合龍祠外聲過鯨海濱伐邢知有屬已見靜
邊塵

正月十五夜

唐新語云神龍之際京城正月望日盛飾燈
火之會金吾弛禁貴遊戚屬及下里工賈無
不夜遊車馬駢闐人不得顧王主之家馬上
作樂以相誇競文士皆賦詩以紀其事作者
數百人唯味道與郭利
貞崔液三人為絕唱

火樹銀花合星橋鐵鎖開暗塵隨馬去明月逐人
來遊伎皆穠李行歌盡落梅金吾不禁夜玉漏莫

相頻一作催

詠霧

氤氳起洞壑遙裔匝平疇乍似含龍劍還疑映蜃

言終
樓拂林隨雨密度逕帶煙浮方謝公超步終從彥
輔遊

詠虹

紆餘帶星渚窈窕架天濤空因壯士見還共美人

沈逸照

一作遠勢

含良玉神花藻瑞金獨留長劍彩終

負昔賢

一作時

心

詠霜

金祇暮律盡玉女暝氛歸孕冷隨鍾徹飄華逐劍
飛帶日浮寒影乘風進晚威自有貞筠質寧將庶

草腓

詠井

玲瓏映玉檻澄澈瀉銀牀流聲集孔雀帶影出簾
羊桐落秋蛙散桃舒春錦芳帝力終何有機心庶
此忘

詠石

濟北甄神貺河西濯錦文聲應天池雨影觸岱宗
雲燕歸猶可候羊起自成羣何當握靈髓高枕絕
囂氛

奉和受圖温洛應制

綠綺膺河檢青壇俯洛濱天旋俄制蹕孝享屬嚴
禮陟配光三祖懷柔洎百神霧開中道日雪斂屬
車塵預奉咸英奏長歌億萬春

在廣州聞崔馬二御史並拜臺郎

振鷺齊一作飛日遷鶯遠聽聞明光共待漏清覽

一作各披雲喜得廊廟舉嗟為臺閣分故林懷栢

悅一作新幄一作阻蘭薰冠去神羊影車迎一作

瑞雉羣遠從一作南斗外遙一作仰列星文

贈封御史入臺

故事推三獨茲辰對兩闈夕鴉共鳴舞屈草接芳

菲盛府題清一作橐殊章動繡衣風連臺閣起霜

就簡書飛凜凜當朝色行行滿路威惟當擊隼去

復覩落鵬歸

始背洛城秋郊矚目奉懷臺中諸侍御

薄遊忝霜署直指戒冰心荔浦方南紀蘅皋暫北

臨山晴關塞斷川暮廣城陰場圃通圭甸溝塍礙

石林野童來捃拾田叟去謳吟蟋蟀秋風起蒹葭

晚露深帝城猶鬱鬱征傳幾駸駸迴憶披書地勞
歌謝所欽

九江口南濟北接蘄春南與潯陽岸

江路一悠哉滔滔九派來遠潭昏似霧前浦沸成
雷鱗介多潛育漁商幾泝洄風搖蜀枳一作下日
照楚萍開近湫溢城曲斜吹蠡澤隈錫龜猶入貢
浮獸罷爲災津吏揮撓疾郵童整傳催歸心詎可
問爲視落潮迴

和武三思於天中寺尋復禮上人之作

潘戚三雍暇禪居二室隈忽聞從桂苑移步踐花
臺敏學推多藝高談屬辯才是非寧滯着空有掠
嫌猜五行幽機暢三蕃妙鍵開味同甘露灑香似
逆風來砌古留方石池清辨燒灰人尋鶴洲返月
逐虎谿迴企躅瞻飛蓋攀遊想渡杯願陪爲善樂
從此去塵埃

崔融

本傳云字安成齊州人擢八科高第爲崇文館學士中宗在東宮選爲侍讀典東朝

表疏長安中爲鳳閣舍人坐附張易之兄弟左授袁州刺史尋拜國子司業預脩則天寶錄封清河縣子融爲文典麗朝廷諸大手筆多手勅委之撰哀冊文用思精苦遂發病卒

言
謚曰文有
集六十卷

關山月

月生西海上氣逐邊風壯萬里度一作照關山蒼茫
非一狀漢兵開郡國胡馬窺亭障夜夜聞悲笳征
人起南望

擬古

飲馬臨濁河濁河深不測河水日東注河源迺西
極思君正如此誰為生羽翼日夕大川陰雲霞千
里色所思在何處宛在機中織離夢當有魂愁容

定無力夙齡負奇志中夜三一作多歎息拔劍斬長
榆彎弓射小棘班張固非擬衛霍行可即寄謝閨
中人努力加飡食

西征軍行遇風

北風卷塵沙左右不相識颯颯吹萬里昏昏同一
色馬煩莫敢進人急未遑食草木春更悲天景晝
相匿夙齡慕忠義一作勇雅尚存孤直覽史懷浸驕
讀詩歎孔棘及茲戎旅地忝從書記職兵氣騰北
荒軍聲振一作重西極坐覺威靈遠行看氛祲息愚

言紀 初唐卷之十八 六
臣何以報倚馬申微力

登東陽沈隱侯八詠樓

旦登西北樓樓峻石墉厚宛生長定 俯壓三江
口非階銜鳥衡交疏過牛斗左右會稽鎮出入具
區藪越巖森其前浙江漫其後此地實東陽由來
山水鄉隱侯有遺詠落簡尚餘芳具物昔未改斯
人今已亡粵余忝藩左束髮事文場悵不見夫子
神期遙相望

從軍行

穹廬雜種亂金方武將神兵下玉堂天子旌旗過
細柳匈奴運數盡枯楊關頭落月橫西嶺塞下凝
雲斷北荒漠漠邊塵飛衆鳥昏昏朔氣聚羣羊依
稀蜀杖迷新竹髣髴胡牀識故桑臨海舊來聞驃
騎尋河本自有中郎坐看戰壁爲平土近待軍營
作破羌

和宋之問寒食題黃梅臨江驛

春分自淮北寒食渡江南忽見潯陽水疑是宋家
潭明主闍難叫孤臣逐未堪遙思故園陌桃李正

言終
醜醜

留別杜審言并呈洛中舊遊

斑鬢今為別紅顏昨共遊
年年春不待處處酒相
留駐馬西橋上回車南陌頭
故人從此隔風月坐
悠悠

詠寶劍

一作宋之問詩

寶劍出昆吾龜龍夾采珠
五精初獻術千戶競淪

一作論

都匣氣衝牛斗山形轉
輓轡欲知天下貴持

此問

一作謝

風胡

則天皇后挽歌二首

宵陳虛禁夜夕臨空山
陰日月昏尺景天地慘何
心紫殿金鋪澁黃陵玉座
深鏡奩長不啓聖主淚
沾巾

前殿臨朝罷長陵合葬歸
山川不可望文物盡成
非陰月霾中道軒星落太
微空餘天子孝松上景
雲飛

戶部尚書崔公挽歌

八座圖書委三臺章奏盈
舉杯常有勸曳履忽無

聲市若荊州罷池如薛縣平空餘濟南劍天子署
高名

韋長史挽詞

日落桑榆下寒生松栢中冥冥多苦霧切切有悲

風京兆新阡闢一作合扶陽甲第空郭門從此去荆

棘漸蒙籠

和梁王象傳張光祿是王子晉後身

武后改控鶴府為奉宸府引詞人為供奉內殿曲宴則二張諸武侍坐佞者奏云張昌宗是王子晉後身令被羽衣吹簫乘木鶴奏樂於庭如子晉乘空融賦詩為絕唱見張易之

傳

聞有冲天客披雲下帝畿三年上賓去千載忽來

歸昔偶一作遇浮丘伯今同丁令威中郎才貌是柱

鼎一作藏獻酒至玉杯揮天仗分旄節朝容間羽衣舊壇

何處所新廟坐光輝漢主存僊要淮南愛道機朝

朝緱氏鶴長向洛城飛紀事云融嘗與蘇味道相誚云其詩所以不及相公

無銀花盒也蘇有詩云火樹銀花合味道云子詩雖無銀花合還有金銅丁取融詩有今同丁令威

也句

寺已

初唐卷之八

乙

哭蔣詹事儼

江上有長離從容盛羽儀一鳴百獸舞一舉羣鳥
隨應我聖明代巢君阿閣垂鈎陳侍帷宸環衛奉
旌麾雅量滄海納完才廟廊施養親光孝道事主
竭忠規貞節既已固殊榮良不訾朝遊雲漢省夕
宴芙蓉池汲黯言當直陳平智本竒功成喜身退
時往惜年馳鎮國山基毀中天柱石頽將軍空有
頌刺史獨留碑蕪漫藏書壁荒涼懸劍枝昔余叅
下位數載忝牽羈置榻恩逾重迎門禮自卑竹林

常接興黍谷每逢吹逸翰金相發清談玉柄揮不
輕文舉少深嘆子雲疲遺愛猶如在殘編尚可窺
即今流水曲何處俗人知

塞寄內

旅魂驚塞北歸望斷河西春風若可寄暫爲遶蘭
閨

郭利正

神龍中爲吏部員外賦上元
詩與蘇味道崔液並爲絕唱

上元

九陌連燈影千門徧

一作度

月華傾城出寶騎匝路

轉香車爛熳惟愁曉周遊一作旋不問家更逢一作聞

清管發處處落梅花

張易之定州人初以門蔭累遷為尚乘奉御白哲美姿容善音律則天臨朝入侍禁中

為奉宸府令加麟臺監封恒國公神龍元年則天病甚崔玄暉等斬於迎仙院易之兄弟粗能屬文如應詔和詩則宋之問開朝隱為之代作見張行成傳

侍從過公主南宅侍宴探得風字應制

逐賞平陽第鳴笳上苑東鳥吟千戶竹蝶舞百花

藂時攀小山桂共挹大王風坐客無勞起秦簫曲

未終

泛舟侍宴應制

平明出御溝解纜坐迴舟綠水澄明月紅羅結綺

樓弦歌爭浦入冠蓋逐川流白魚臣作伴相對舞

王舟

張昌宗易之弟則天臨朝為雲麾將軍兄弟俱侍宮中呼易之為五郎昌宗為六郎醜

聲聞外欲以美事掩其迹乃詔昌宗撰三教珠英於內引文士李嶠等二十六人分門撰集成一千三百卷上之加昌宗司僕卿封鄴國公神龍元年同易之誅於迎仙院見張行

傳

少年行

言紀 卷之十八
少年不識事落魄遊韓魏珠軒流水車玉勒浮雲
騎縱橫意不一然諾心無二白璧贈穰苴黃金奉
毛遂妙舞飄龍管清歌吟鳳吹三春小苑遊千日
中山醉直言身可沈誰論名與利依倚孟嘗君自
知能市義

太平公主山亭侍宴

淮南有小山羸女隱其間折桂芙蓉浦吹簫明月
灣扇掩將雛曲釵承墮馬鬟歡情本無限莫掩洛
城關

武三思

元慶子以后族累轉右衛將軍則天革
命封梁王進拜特進性傾巧便僻善事
人中宗立復得幸掌知國政既與韋庶人上
官昭容私通嘗忌節愍太子密謀廢之太子
率羽林
軍誅之

仙鶴篇

白鶴乘空何處飛青田紫蓋本相依緱山七月雖
長去遼水千年會憶歸緱山杳杳翔寥廓遼水纍
纍歎城郭經隨羽客步丹丘曾逐仙人遊碧落迢
迢碧落斷氛埃霞堂雲閣幾重開欲尋東海黃金
竈仍向西山白玉臺九臯獨唳方清切五里驚羣

俄斷絕月下分行似度雲風前颺影疑迴雪風前
月下路漫漫水宿雲翔去幾般宛轉能傾吳國市
徘徊巧拂漢皇壇琴中作曲從來易鼓裏傳聲有
甚難夜夜怕飛銀漢曲朝朝常飲玉池瀾別有聞
簫出紫煙還如化履上青天霜毛忽控三神下玉
羽俄看二客旋燕雀終迷橫海志蜉蝣豈識在陰
年莫言一舉須千里爲與三山送九仙

宴龍泓

登臨開勝託眺矚盡良遊巖嶠縈紆上澄潭屈曲

流泛蘭清興洽折桂野文道別後相思處崎嶇碧
澗幽

凝碧池侍宴應制得出水槎

彼木生何代爲槎復幾年欲乘銀漢曲先泛玉池
邊擁溜根橫岸沈波影倒懸無勞問蜀客此處即
高天

奉和宴小山池賦得谿字應制

年光開碧沼雲色斂青谿凍解魚方戲風暄鳥欲
啼巖泉飛野鶴石鏡舞山雞柳發龍鱗出松新塵

尾齊九韶從此驗三月定應迷

奉和過梁王宅即目應制

巖居多水石野宅滿風煙本謂開三徑俄欣降九天穿林移步輦拂岸轉行旃鳳竹初垂籜龜河未吐蓮願持山作壽怕用劫爲年

奉和春日遊龍門應制

鳳駕臨香地龍輿上翠微星宮含雨氣月殿抱春輝碧澗長虹下雕梁早燕歸雲疑浮寶蓋石似拂天衣露草侵堦長風花遶席飛日斜宸賞洽清吹

入重闈

秋日于天中寺尋復禮上人

妙域三時殿香巖七寶宮金繩先界道玉柄即談空喻筏知何極傳燈竟不窮彌天高義遠初地勝因通理詣歸一處心行不二中有無雙惑遣真俗兩緣同摘葉疑焚翠投花若散紅網珠遙映日簷鐸近吟風定沼寒光素禪枝暝色葱願隨方便力長與釋塵籠

李崇嗣

武后時爲奉宸府主簿沈佺期黃口讚序云聖曆中有勅東觀修書黃口飛落

鉛槧間奉宸主簿李崇嗣命采
黃花哺之河東薛曜邀余為讚

寒食

又見沈
佺期集

普天皆滅燄匝地盡藏煙不知何處火來就客心
然

覽鏡

見紀事萬首絕句作李
嗣宗詩當是字畫之誤

歲去紅顏盡愁來白髮新今朝開鏡匣疑是別逢

一作人
逢故人

獨愁

聞道成都酒無錢亦可求不知將幾斗銷得此來

愁

李福業

調露二年進士登第後為侍御史五王
誅二張亦與謀及敗放于番禺匿志州

參軍敬元禮家
吏獲之就刑

嶺外守歲

冬去更籌盡春隨斗柄迴寒暄一夜隔容鬢兩年

催

孫處玄

隱逸傳云江寧人長安中官左拾遺頗
善屬文嘗恨天下無書以廣新聞神龍

初栢彥範用事處玄遺書論時事
得失不用乃去官還鄉里以病卒

詠黃鶯

一作鄭愔詩
又作鄭縉

欲轉聲猶澁將飛羽未調高風不借便何處得遷
喬

初唐第十八

初唐第十九

唐詩紀十九

鄆郡吳瑄彙編

江都陸弼同校

喬知之

文苑傳云馮翊人有俊才所作篇詠人多諷誦則天時累除右補闕遷左司郎中以婢事後為武承嗣諷酷吏羅織殺之。唐詩品云左司以風騷自命藻思橫陳寄情婉委摘琢俊麗如定情篇在漢魏諸子亦當推其閑雅綠珠羸駿之作梁陳雖徃徑榭更新

長信宮中樹

婀娜當軒樹芊茸倚蘭殿色艷九春時風搖五明

詩已

初唐卷之十九

一

詩紀 初唐卷之十九
扇餘花鳥弄盡新葉蟲書遍零落心自知芳菲君
不見

下山逢故夫

妾身本薄命輕棄城南隅庭前厭芍藥山上采薜
蕪春風冑紈袖零露濕羅襦羞將憔悴日提籠逢
故夫

巫山高

巫山十二峯參差互隱見潯陽幾千里周覽忽已
徧想像神女姿摘芳共珍薦楚雲何逶迤紅樹日

葱蒨楚雲沒湘源紅樹斷荆門郢路不可見况復
夜猿聞

棄妾篇

妾本叢臺右君在鴈門陲悠悠淇水曲采燕入桑
枝不因媒結好本以容相知容謝君應去情移會
有離還君結縷帶歸妾織成詩此物雖輕賤不用
使人嗤

苦寒行

胡天夜清迴孤雲獨飄揚搖曳出鴈關逶迤含晶

光陰陵久徘徊幽都無多一作夕陽初寒凍巨海殺
氣流大荒朔馬飲寒冰行子履胡霜路有從後倦
卧死黃沙場羈旅因相依慟之淚沾裳由來從軍
行賞存不賞亡亡者誠已矣徒令存者傷

從軍行

南庭結白露北風掃黃葉此時鴻鴈來驚鳴催思
妾曲房理針線平砧搗文練鴛綺裁易成龍鄉信
難見窈窕九重閨寂寞十年啼紗牕白雲宿羅幌
月光栖雲月隱微微夜上流黃機玉霜凍珠履金

吹薄羅衣漢家已得地君去將何事宛轉結蠶書
寂寥無鴈使平生荷恩信本爲榮華進况復落紅
顏蟬聲催綠鬢

擬古贈陳子昂

惇惇孤形影悄悄獨遊心以此從王事常與子同
衾別離三河間征戰二庭深胡天夜雨霜胡鴈晨
南翔節物感離居同衾違一作還故鄉南歸日將遠
北方尚蓬飄孟秋七月時相送出外郊海風吹涼
木邊聲暗梢梢勤役千萬里將臨五十年心事爲

誰道抽琴歌坐弦一彈再三歎賓御涕潺湲送君
竟此曲從茲長絕弦

定情篇

共君結新婚歲寒心未卜相與遊春園各隨情所
逐君愛菖蒲花妾感苦寒竹菖花多豔姿寒竹有
貞葉此時妾比君君心不如妾簪玉步河堤妖韶
援綠萸鳧鴈將子遊鶯燕從雙栖君念春光好妾
向春光啼君時不得意棄妾還金閨結言本同心
悲歡何未齊怨咽前致辭願得申所悲人間丈夫

易世路婦難爲始如經天月終若流星馳天月相
終始流星無定期長信佳麗人失意非蛾眉廬江
小吏婦非關織相遲本願長作對今已長相思復
有遊宦子結援從梁陳燕居崇三朝去來歷九春
誓心妾終始蠶桑奉所親歸願未克從黃金贈路
人潔婦懷明義從泛河之津于今千萬年誰當問
水濱更憶娼家樓夫婿事封侯去時恩灼灼去罷
心悠悠不憐妾歲宴十載隴西頭以茲常惕惕百
慮恒盈積由來共結褵幾人同匪石故歲雕梁燕

言終
初唐卷之十九
四
雙去今來隻今日玉庭梅朝紅暮成碧碧榮始芬
敷黃葉已淅瀝何用念芳春芳春有流易何用重
歡娛歡娛俄戚戚家本巫山陽歸去路何長敘言
情未盡採菜已盈筐桑榆日及景物色盈高岡下
有碧流水上有丹桂香桂枝不須折碧流清且潔
贈君比芳菲愛惠常不歇贈君比潺湲相思無斷
絕妾有秦家鏡寶匣裝珠璣鑑來年二八不記易
陰暉妾無光寂寂妾至影依依今日持爲贈相識
莫相違

綠珠篇

知之有婢曰窈娘美麗善歌舞爲武承嗣所
奪知之怨惜因作綠珠篇以寄情密送與婢
婢結詩衣帶投井而死承嗣見詩
大恨知之事見知之傳及本事詩

石家金谷重新聲明珠十斛買娉婷此日可憐君
自許此時可喜得人情君家閨閣不曾難常將歌
舞借人看意氣雄豪非分理驕矜一作奢勢力橫相
干辭君去君終不忍徒勞掩袂傷鉛粉百年離別
在高樓一代一作旦紅顏爲君盡

和李侍郎古意

詩經 卷之十九
妾家巫山隔漢川君度南庭向胡苑高樓迢遞想
金天河漢昭回更愴然夜如何其夜未央閒花照
月愁洞房自矜夫婿勝王昌三十曾作侍中郎一
從流落成漁陽懷哉萬恨結中腸南山羃羃兔絲
花北陵青青女蘿樹由來花葉同一根今日枝條
分兩處三星差池光照灼北斗西指秋雲薄莖枯
花謝枝憔悴香銷色盡花零落美人長嘆艷容萎
含情收取摧折枝調絲獨彈聲未移感君行坐星
歲遲閨中宛轉今若斯誰能爲報征人知

倡女行

石榴酒葡萄漿蘭桂芳茱萸香願君駐金鞍暫此
共年芳願君解羅襦一醉同匡牀文君正新寡結
念在歌娼昨宵綺帳迎韓壽今朝羅袖引潘郎莫
吹羌笛驚鄰里不用琵琶喧洞房且歌新夜曲莫
弄楚明光此曲怨且豔哀音斷人腸

羸駿篇

噴玉長鳴西北來自言當代是龍媒萬里鐵關行
入貢九重金闕爲君開蹠蹠朝馳過上苑趁趨暝

走發章臺玉勒金鞍荷裝飾路傍觀者無窮極小
山桂樹比權奇上林桃花况顏色忽聞天將出龍
沙漢主持將駕鼓車去去山川勞日夜遙遙關塞
斷煙霞山川關塞十年征汗血流離赴月營肌膚
銷遠道膂力盡長城長城日夕苦風霜中有連年
百戰場搖珂嚙勒金羈盡爭鋒足頓鐵菱傷垂耳
罷輕齎棄置在寒谿大宛蒲海北滇壑雋崖西沙
平留緩步路遠聞頻嘶從來力盡君須棄何必尋
途我已迷歲歲年年奔遠道朝朝暮暮催疲老扣

冰晨飲黃河源拂雪夜食天山草楚水澶谿征戰
事吳塞烏江辛苦地持來報主不辭勞宿昔立功
非重利丹心素節本無求長鳴向君君不留祗應
澶漫歸田里萬里低昂任生死君王倘若不見遺
白骨黃金猶可市

銅雀妓

金閣惜分香鉛華不重粧空餘歌舞地猶是爲君
王哀弦調已絕艷曲不須長共看西陵暮秋煙起
白楊

侍宴應制

得分字

紫禁肅晴氛朱樓落曉雲
豫遊龍駕轉天樂鳳簫
聞竹外仙亭出花間輦路分
微臣一何幸詞賦奉明君

和蘇員外寓直

自昔重為郎伊人練國章
三旬登建禮五夜直明
光墨草尚書奏衣飄侍御香
開軒竹氣靜拂簟蕙
風涼曉漏離閭闔鳴鍾出
未央從來宿臺上天子
貴文強

哭故人

生死久離居淒涼歷舊廬
歎茲三徑斷不踐十年
餘古木巢禽合荒庭愛客踈
匣留彈罷劍牀積讀
殘書玉沒終無像蘭言強問
虛平生不得意泉路
復何如

折楊柳

可憐濯濯春楊柳攀折將來就
織手妾容與此同
盛衰何必君恩能獨久

喬侃

知之之弟武后時學士預修三教珠英為
兗州都督長安中卒於襄陽以文詞知名

人日登高

僕本多悲者年來不悟春登高一遊目始覺柳條
新杜陵猶識漢桃源不避秦暫若昇雲霧還似出
囂塵賴得煙霞氣淹留攀桂人

王無競

文苑傳云字仲烈東萊人有文學應下
筆成章科授藥城尉累遷監察御史改
殿中神龍初坐訶詆權倖出
為蘇州司馬再貶嶺外卒

鳳臺曲

鳳臺何逶迤羸女管參差一旦綵雲至身去無還
期遺曲此臺上世人多學吹一吹一落淚至今憐

玉姿

銅雀臺

北登銅雀上西望青松郭總帳空蒼蒼陵田紛漠
漠平生事已變歌吹宛猶昨長袖拂玉塵遺情結
羅幕妾怨在朝露君恩豈中薄高臺奏曲終曲終
淚橫落

北使長城

秦世築長城長城無極已暴兵四十萬興工九千
里死人如亂麻白骨相撐委殫弊未云悟窮毒豈

知止胡塵未北滅楚兵遽東起六國復囂囂兩龍
鬪鬻鬻卯金竟握讖反壁俄淪祀仁義寢邦國徂
暴行終始一旦咸陽宮翻為漢朝市

和宋之問嵩山歌

日云暮兮下嵩山路連綿兮松一作石間出谷口

兮見明月心徘徊兮不能還

巫山一作宋之問詩

神女向高唐巫山下夕陽徘徊行作雨婉孌逐荆
王電影江前落雷聲峽外長霽雲無處所臺館曉

蒼蒼

王適文苑傳云幽州人則天時糊名考選與劉憲司馬鎧梁載言相次入第二等官至雍

州司功參軍

古別離

昔歲驚楊柳高樓悲獨守今年芳樹枝孤棲怨別
離珠簾晝不捲羅幔曉長垂苦調琴先覺愁容鏡
獨知頻年鴈度無消息罷却一作去鴛文何用織夜
還羅帳空有情春着裙腰自無力青軒桃李落紛
紛紫庭蘭蕙日一作香氛氲已能憔悴今如此更復

言終
卷之二十九
含情一待君

銅雀妓

日暮銅雀迴秋深玉座清蕭森松柏望委鬱綺羅
情君恩不再得妾舞爲誰輕

江上有懷

湛湛江水見底清荷花蓮子傍江生採蓮將欲寄
同心秋風落花空復情棹歌數曲如有待正見明
月度東海海上雲盡月蒼蒼萬里分輝滿洛陽洛
陽閨閣夜何央蛾眉嬋娟斷人腸寂寥金屏空自

掩青燄銀燭不生光應憐水宿洞庭子今夕迢迢
天一方

蜀中言懷

獨坐年將暮常懷志不通有時須問影無事則書
空棄置如天外平生似夢中蓬心猶是客華髮欲
成翁跡滯魂逾窘情乖路轉窮別離同夜月愁思
隔秋風老少悲顏駟一作盈虛悟程公時來不可
問何用求童蒙

江濱梅

忽見寒梅樹開花漢水濱不知春色早疑是弄珠

人

薛曜

汾陰人元超子也以文學知名聖曆中修三教珠英官至正諫大夫見薛收傳

舞馬篇

星精龍種競騰驤雙眼黃金紫豔光一朝逢遇昇
平代伏阜銜圖事帝王我皇盛德苞六羽俗泰時
和虞石拊昔聞九代有餘名今日百獸先來舞鈞
陳周衛儼旌旄鍾鎛陶匏聲殷地承雲嘈噴駭日
靈調露鏗鉉動天駟奔塵飛箭若麟螭躡景追風

忽見知咀銜拉鐵並權竒被服雕章何陸離紫玉
鳴珂臨寶鐙青絲綵絡帶金羈隨歌鼓而電驚逐
丸劍而飈馳態聚躡還急驕凝驟不移光獻白日
下氣擁綠煙垂婉轉盤跚殊未已懸空步驟紅塵
起驚鳧翔鷺不堪儔矯鳳迴鸞那足擬衡垂桂裊
香氛氲長鳴汗血盡浮雲不辭辛苦來東道祇爲
簫韶朝夕聞閭闔玉臺側承恩煦今生光色鸞
鏘鏘車翼翼備國容今爲戎飾充雲翹今天子庭
荷日用兮情無極吉良乘兮一千歲神是得今天

地期大易占云南山壽趨趨共樂聖明時

正夜侍宴應詔

重關鍾漏通夕徹鳳凰宮雙闕祥煙裏千門明月
中酒杯浮湛露歌曲唱流風侍臣咸醉止恒慙恩
遇崇

子夜冬歌

朔風扣羣木嚴霜凋百草借問月中人安得長不
老

薛稷

字嗣通蒲州汾陰人舉進士累轉中書舍
人與從祖兄曜俱以辭學知名同在兩省

為時所稱景龍中為昭文館學士好古博雅
尤工隸書睿宗即位拜中書侍郎參知政事
後以翊贊功封晉國公除太子少保睿宗嘗
召入宮中參決庶政恩遇莫比竇懷貞伏誅
稷以知其謀賜死
萬年獄見薛收傳

早春魚亭山

春氣

一作色

動百草紛榮時斷續白雲自高妙徘徊

空山曲陽林花已紅寒澗苔未綠伊余息人事蕭

寂無營欲客行雖

一作須

云遠翫之聊自足

秋日還京陝西十里作

驅車越陝郊北顧臨大河隔河望鄉邑秋風水增

波西登咸陽途日暮憂思多傳巖既紆鬱首山亦
嗟峨操築無昔老採薇有遺歌客遊節一作回換

人生能一作幾何杜甫云云少保有古風
得之陝郊篇謂此作也

慈恩寺九日應制

寶宮星宿劫香塔鬼神功王遊盛塵外睿覽出區
中日宇開初景天詞掩大風微臣謝時菊薄采入
芳叢

奉和送金城公主適西蕃應制

天道寧殊俗慈仁一作乃戢兵懷荒寄赤子忍愛

鞠蒼生月下瓊娥去星分寶婺行關山馬上曲相
送不勝情

春日登樓野望

憑軒聊一望春色幾分非野外煙初合樓前花正
飛嬌鶯弄新響斜日散餘暉誰忍孤遊客言念獨
依依

餞許州宋司馬赴任

令弟與名兄高才振兩京別序聞鴻鴈離章動鶴
鴒遠朋馳一作翰墨勝地寫丹青風月相思夜勞

望潁川星

奉和聖製春日幸望春宮應制

九春風景足林泉四面雲霞敞御筵花鏤黃山繡

作苑草圖玄灞錦為川飛觴競

一作

醉心迴日走

馬爭先

一作

眼着鞭喜奉仙遊歸路遠直言

一作

行樂不言旋

奉和幸安樂公主山莊應制

主家園囿

一作

極新規帝郊遊豫奉天儀歡宴瑤

臺鎬京集賞賜銅山蜀道移曲閣交映金精板飛

花亂下珊瑚枝借問今朝八龍駕何如昔日望

一作

指仙池

秋朝覽鏡

客心驚落木夜坐聽秋風朝日看容鬢生涯在鏡
中

夜宴安樂公主新宅

秦樓宴喜月徘徊妓筵銀燭滿庭開坐中香氣排
花出扇後歌聲逐酒來

餞唐永昌

河洛風煙壯市朝送君飛鳧去漸遙更思明年桃李月花紅柳綠宴浮橋

崔液

定州人湜弟也小字海子湜嘗歎伏曰海子我家龜龍也工五言官至殿中侍御史坐湜反配流逃匿郢州作幽征賦以見意遇赦還卒裴耀卿纂其遺文為十卷見湜傳

踏歌詞二首

綵女迎金屋僊姬出畫堂鴛鴦裁錦袖翡翠貼花黃歌響舞分行艷色動流光

庭際花微落樓前漢已橫金臺催夜盡羅袖拂一作

舞寒輕樂笑暢歡情未半着天明

代春閨

江南日暖鴻始來柳條初碧葉半開玉關遙遙戍未迴金閨日夕生綠苔寂寂春花煙色暮簷燕雙雙落花度青樓明鏡晝無光紅帳羅衣徒自香妾恨十年長獨守君情一作憐萬里在漁陽

上元夜六首

玉漏銅壺且莫催鐵關金鎖徹明開誰家見月能閒坐何處聞燈不看來

神燈佛火百輪張刻像圖形七寶裝影裏如開一作

聞金口說空中似放一作散玉毫光

今年春色勝常年此夜風光最一作正可憐鳩鵲樓

前新月滿一作望鳳凰臺上寶燈然

金勒銀鞍控紫騮玉輪珠幘駕青牛驂驪始散東

城曲倏忽還來一作逢南陌頭

公子王孫意氣驕不論相識也相邀最憐長袖風

前弱更賞新弦暗裏調

星移漢轉月將微露灑煙飄燈漸稀猶惜路傍歌

舞處踟躕相顧不能歸

張循之洛陽人與弟仲之並以學業著名則天時上書忤旨被誅見蘇晉傳

巫山高一作沈

巫山高不極合沓狀奇新暗谷疑風雨陰崖若鬼神月明三峽曉潮滿九江春為問陽臺客應知入夢人

送泉州李使君之任

傍海皆荒服分符重漢臣雲山百越路市井十洲人執玉來朝遠還珠入貢頻連年不見雪到處即行春

春

人時王來腹表髮紅人其賦事平不具曾隨賦

新影習其那公移重戴百雲山百賦羅中六十賦

表泉機李對馬之出

夢人

軒民阻三知海賦前次云表深淵何臺客賦以人

聖日之公不食不食不食不食不食不食不食不食

初唐第十九

初唐第二十

唐詩紀二十

鄆郡吳瑄彙編

江都陸弼同校

富嘉謨

文苑傳云武功人舉進士長安中累轉晉陽尉與新安吳少微同官友善當時

文體競以徐庾為宗氣調漸劣嘉謨與少微以經典為本時人慕之稱為富吳體後為壽

安尉預修三教珠英中興初為左臺御史卒文集五卷。張說評云嘉謨之文如孤峯絕

岸壁立萬仞濃雲鬱興震雷俱發誠可畏也若施於廊廟則駭矣

明冰篇

北陸蒼茫河海凝南山闌干晝夜冰素彩峨峨明

詩紀

初唐卷之十九

一

月升深山窮谷不自見安知採斲備嘉薦陰房涸
沍掩寒扇陽春二月朝始暎春光潭沲度千門明
冰時出御至尊彤庭赫赫九儀備腰玉煌煌千官
事明冰畢賦周在位憶昨沙漠寒風漲崑崙長河
冰始壯漫汗峻嶒積亭障嗷嗷鳴鴈江上來禁苑
池臺冰復開搖青涵綠映樓臺幽歌七月王風始
鑿冰藏用昭物軌四時不忒千萬祀

吳少微

文苑傳云新安人舉進士累至晉陽尉與富嘉謨谷倚以文詞著名時謂北京三傑中興初調吏部侍郎拜右臺監察御史卧病聞富嘉謨死哭而賦詩尋亦卒有集五

卷

長門怨

月出映層城孤圓上太清君王春愛歇枕席涼風
生怨咽不能寢踟躕步前楹空階白露色百草寒
蟲鳴念昔金房裏猶嫌玉座輕如何嬌所悞長夜
泣恩情

和崔侍御日用遊開化寺閣

左憲多才雄故人尤鷲鷲護贈單于使休軺太原
郭館次厭煩歆清懷尋寂寞西緣十里餘北上開

化閣初入雲樹間冥蒙未昭廓漸出欄楳外萬里
秋景焯歲晏風落山天寒水歸壑覽物頌幽景三
乘動玄鑰但敷利解言永用忘昏着

哭富嘉謨

并序

維三月癸丑河南富嘉謨卒予時寢疾於洛陽
北里聞之投枕而起淚沾乎衽席匍匐於寢門
之外病不能哭仰天而呼曰天乎天乎俾予曷
所朋曷有律曷可得而見抑斯文也以存乎哀
大常少卿徐鄜州刺史尹公中書徐元二舍人

兵部張郎中未嘗值我不歎于朝夫情悼之賦
詩以寵亡也其詞曰

吾友適不死於戲社稷臣直祿非造利長懷大庇
人乃通承明籍邁此敦泮春藥礪其可畏皇穹故
匪仁疇昔與夫子孰云異天倫同病一相失茫茫
不重陳子之文章在其殆尼父新鼓興幹河岳貞
詞毒鬼神可悲不可朽車輅沒荒榛聖主賢爲寶
吁茲大國貧

過漢故城

詩已

詩已

三

言終
大漢昔未定強秦猶擅場中原逐鹿罷高祖鬱龍
驤經始謀帝座茲焉壯未央規模窮棟宇表裏浚
城隍羣后崇長樂中朝憎建章勾陳被蘭錡樂府
奏芝房翡翠明珠帳鴛鴦白玉堂清晨寶鼎食閒
夜鬱金香天馬來東道佳人傾北方何其赫隆盛
自謂寶靈長歷數有時盡哀平嗟不昌冰堅成巨
猾火德遂頽綱奧位匪虛校貪天竟速亡魂神吁
社稷豹虎鬪巖廊金狄移灞岸銅盤向洛陽君王
無處所年代幾荒涼宮闕誰家域蓁蕪育我裳井

田唯有草海水變爲桑昔在高門內于今岐路傍
餘基不可識古墓列成行狐兔驚魍魎鴟鳥嚇獐
狂空城寒日晚平野暮雲黃烈烈樊青棘蕭蕭吹
白楊千秋并萬歲空使詠歌傷

古意

洛陽芳樹向春開洛陽女兒平日來流車走馬紛
相催折芳瑤華向曲臺曲臺自有千萬行重花累

葉間

一作映

垂楊北林朝日鏡

一作錦

明光南國微風

蘇合香可憐窈窕女不作邯鄲娼妙舞輕迴拂長

言終
初唐卷之二
四
袖高歌浩唱發清商歌終舞罷歡無極樂往悲來
長歎息陽春白日不少留紅榮碧樹無顏色碧樹
風花先春度珠簾粉澤無人顧如何年少忽遲暮
坐見明月與白露明月白露夜已寒香衣錦帶空
珊珊今日陽春一妙曲鳳皇樓上與君彈

怨歌行

城南有怨婦含情傍芳叢自謂二八時歌舞入漢
宮皇恩數流眄承幸玉堂中綠栢黃花催夜酒錦
衣羅袂逐春風建章西宮煥若神燕趙美女三千

人君王厭德不忘新况羣豔冶紛來陳是時別君
不再見三十三春長信殿長信重門晝掩關清房
曉帳幽且閑綺窻蟲網氛塵色文軒鶯對桃李顏
天王貴宮不貯老浩然含淚今來還自憐春色轉
晚暮試逐佳遊芳草路小腰麗女奪人竒金鞍少
年曾不顧缺數句請謝西家婦莫辭先醉解羅襦

高正臣

廣平人官至衛尉卿習右軍書法睿宗最愛其筆

晦日置酒林亭同用華字

紀事云晦日宴高氏林亭凡二十一人陳子昂爲之序

正月符嘉節三春翫物華
忘懷寄罇酒陶性狎山
家柳翠含煙葉梅芳帶
雪花光陰不相惜遲遲落
景斜

晦日重宴同用池字

紀事云晦日重宴八
人周彥暉爲之序

芳辰重遊衍乘景共追隨
班荆陪舊識傾蓋得新
知水葉分蓮沼風花落柳
枝自符河朔趣寧羨山
陽池

長孫正隱

晦日宴高氏林亭同用華字

晦晚屬煙霞邀遊重歲華
歌鍾雖戚里林藪是山
家細雨猶開日深池不漲
沙淹留迷處所巖岫幾
重花

上元夜效小庾體同用春字

并序

九谷帝畿三川奧域交風
均露上分朱鳥之躔
泝洛背河下鎖蒼龍之闕
多近臣之第宅即瞰
銅街有貴戚之樓臺自連
金苑美人競出錦障
如霞公子交馳雕鞍似月
同遊洛浦疑尋稅馬

詩紀 初唐卷之二十一
之津爭渡河橋似向牽牛之渚實昌年之樂事
令節之佳遊者焉

薄晚嘯遊人車馬亂驅塵月光三五夜燈焰一重
春煙雲迷北闕簫管識南鄰洛城終不閉更出小
平津

崔知賢

晦日宴高氏林亭同用華字

上月河陽地芳辰景望華綿蠻變時鳥照曜起春
霞柳搖風處色梅散日前花淹留洛城晚歌吹石

崇家

上元夜效小庾體同用春字

今夜啓城闈結伴戲芳春鼓聲撩亂動風光觸處
新月下多遊騎燈前饒看人觀樂無窮已歌舞達
明晨

王勔

文苑傳云絳州人勃之兄也累
官澤州長史坐兄勳事并誅

晦日宴高氏林亭同用華字

上序披林館中京視物華竹窓低露葉梅逕起風
花景落春臺霧池侵舊渚沙綺筵歌吹晚暮雨泛

香車

高紹

為考功郎中

晦日宴高氏林亭同用華字

嘯侶入山家
臨春翫物華
葛絲調綠水
桂醕酌丹霞
岸柳開新葉
庭梅落早花
興洽林亭晚
方還倒載車

高球

晦日宴高氏林亭同用華字

溫洛年光早
皇州景望華
連鑣尋上路
乘興入山

家輕苔網危
石春水架平
沙賞極林塘
暮處處起煙霞

郎餘令

儒學傳云定州人博學知名舉進士授霍王元軌府參軍從父知年亦為霍王

友元軌謂人曰郎氏兩賢人之望也相次入府不意培塿而松柏成林累轉著作郎卒。紀事云餘令善畫唐秘書省內落星石薛稷畫鶴賀知章草書餘令鳳相傳為四絕韓公武為校書郎挾彈中鶴一眼乃謂之五絕

晦日宴高氏林亭同用華字

三春休晦節
九谷泛年華
半晴餘細雨
全晚澹殘霞
樽開踈竹葉
管應落梅花
興闌相顧起
流水送

詩經
初唐卷之二十
香車

王茂時

晦日宴高氏林亭同用華字

勝踐尋良會乘春翫物華
還隨張放友來向石崇
家止水分巖徑閑庭枕浦沙
未極清泉賞參差落
照斜

周思鈞

貝州漳南人與兄思茂俱早知名武后時為太子文學劉禕之臨誅洗沐神色自若援筆為表詞理懇至思鈞稱歎其文武后惡之貶揚州司倉參軍以中書舍人卒

晦日宴高氏林亭同用華字

早春驚柳穉初晦掩萸華
騎出平陽里筵開衛尉
家竹影含雲密池紋帶雨斜
重惜林亭晚上路滿
煙霞

晦日重宴同用池字

綺筵乘晦景高宴下陽池
濯雨梅香散含風柳色
移輕塵依扇落流水入弦危
勿顧林亭晚方歡雲
霧披

周彥暉

登咸亨五年進士

晦日宴高氏林亭同用華字

詩經
初唐卷之三
九
砌莫收晦魄津柳競年華既狎忘筌友方淹投轄
車綺筵迴舞雪瓊醕泛流霞雲低上天晚絲竹帶
風斜

晦日重宴同用池字

春華歸柳岸晦景落莫枝置驛銅街右開筵玉浦
隄林烟含障密竹雨帶珠危興闌巾倒戴山公下
習池

周彥昭

晦日宴高氏林亭同用華字

勝地臨鷄浦高會偶龍沙御柳驚春色仙筇掩月
華門邀千里馭杯泛九光霞日落山亭晚雷送七
香車

弓嗣初

咸亨二年登
進士第一人

晦日宴高氏林亭同用華字

上序春暉麗中園物候華高才盛文雅逸興滿煙
霞參差金谷樹皎鏡碧塘沙蕭散林亭晚倒載欲
還家

晦日重宴同用池字

年華藹芳隰春溜滿新池促賞依三友延歡寄一
卮鳥聲隨管變花影逐風移行樂方無極淹留惜
晚曦

高嶠

爲司門
郎中

晦日宴高氏林亭同用華字

飛觀寫春望開宴坐汀沙積溜含苔色晴空蕩日
華歌入平陽第舞對石崇家莫慮能騎馬投轄自
停車

晦日重宴同用池字

駕言尋鳳侶乘歡俯鴈池班荆逢舊識斟桂喜溪
知紫蘭方出逕黃鶯未嚙枝别有陶春日青天雲
霧披

劉友賢

晦日宴高氏林亭同用華字

春來日漸賒琴酒逐年華欲向文通逕先遊武子
家池碧新流滿巖紅落照斜興闌情未盡步步惜
風花

徐皓

言系
初唐卷之三十一
二
晦日宴高氏林亭同用華字

綺筵乘暇景瓊醕對年華門多金埒騎路引璧人
車蘋早猶藏葉梅殘正落花藹藹林亭晚餘興促

一作流霞

陳嘉言

武后時酷吏也神龍中詔酷吏陳嘉言等其身已死自垂拱已來在濫殺人者官者並令削奪開元中御史程行誡奏酷吏來子珣等二十三人情狀尤重子孫不許與官陳嘉言等四人情狀稍輕子孫不許近任

晦日宴高氏林亭同用華字

公子申敬愛携朋翫物華人是平陽客地即石崇

家水文生舊浦風色滿新花日暮連歸騎長川照

晚霞

晦日重宴同用池字

高門卧冠蓋下客抱支離綺席珍羞滿文塲藻翰
摘莫華凋上葉柳色藹春池日斜歸戚里連騎勒
金羈

上元夜效小庾體同用春字

今夜可憐春河橋多麗人寶馬金爲絡香車玉作
輪連手窺一作潘掾分頭看洛神重城自不掩出

詩已

初唐卷之三十一

七

向小平津

韓仲宣

晦日宴高氏林亭同用華字

欲知行有樂芳樽對物華地接安仁縣園是季倫

家柳處雲疑葉梅間雪似花日落歸途遠留興一作

與伴煙霞

晦日重宴同用池字

鳳苑先吹曉龍樓夕照披陳遵已投轄山公正坐

池落日催金奏飛霞送玉卮此時陪綺席不醉欲

何為

上元夜效小庾體同用春字

他鄉月夜一作人相伴看燈輪光隨九華出影共

百枝新歌鍾盛北里車馬沸南鄰今宵何處好惟

有洛城春

高瑾

渤海人士庶之孫登咸亨元年進士第

晦日宴高氏林亭同用華字

試入山亭望言是石崇家二月風光起三春桃李

華鶯吟上喬木鴈往息平沙相看會取醉寧知還

詩已

初唐卷之三十一

三

路賒

晦日重宴同用池字

忽聞鶯響谷於此命相知正開彭澤酒來向高陽

池柳葉風前弱梅花影處危賞洽林亭晚落照下

參差

上元夜效小庾體同用春字

初年三五夜相知一兩人連鑣出巷口飛轂下池

濬燈光恰似月人面併如春邀遊終未已相歡待

日輪

初唐第二十

初唐第二十一

唐詩紀二十一

鄆郡吳瑄彙編

江都陸弼同校

陳子昂

文苑傳云字伯玉射洪人家世豪富子昂獨苦節讀書金華山善屬文舉進士

拜麟臺正字轉右拾遺數上疏陳事詞皆典美武攸宜統軍北討契丹以子昂為管記聖

曆初解官歸為縣令段簡因事收繫憂憤卒子昂褊躁無威儀然文詞宏麗當時重之有

集十卷。紀事云子昂與趙貞固盧藏用杜審言宋之問畢隆澤郭襲微司馬承禎釋懷

一陸餘慶號方外十友。盧黃門云陳拾遺橫制頽波天下質文翕然一變。獨異記云

子昂初入京不為人知有賣胡琴者價百萬子昂突出謂左右曰輦千緡市之眾驚問答

言系 不唐卷之二十一
曰余善此樂皆曰可得聞乎曰明日可集宣
陽里如期借往則酒肴畢具捧琴語曰蜀人
陳子昂有文百軸不爲人知此樂賤工之役
豈宜留心舉而碎之以其文百軸徧贈會者
一月之內
聲華溢都

四言古詩

慶雲章

崑崙元氣寔生慶雲大人作矣五色氤氳昔在媯
帝南風旣薰叢芳一作爛熳郁郁紛紛曠矣千祀
慶雲來止玉葉金柏祚我天子非我天子慶雲誰
昌非我聖母慶雲誰光慶雲光矣周道昌矣九萬

八千天授皇年

五言古詩

感遇詩三十八首

紀事云唐興文章承徐庾餘風子昂始變雅
正初爲感遇詩王適見之曰是必爲海內文
宗。僧皎然云子昂
感遇出自阮公詠懷

微月生西海幽陽始代一作昇圓光正東滿陰魄

已朝凝太極生天地三元更廢興至精諒斯在三

五誰能徵三五出史記至道
不遠三五必返

蘭若生春夏葍蔚何青青幽獨空林色朱莖冒紫

莖遲遲白日晚嫋嫋秋風生歲華盡搖落芳意竟何成

蒼蒼丁零塞今古緬荒途亭堠何摧兀暴骨無全軀黃沙幕南起白日隱天

一作西

一作隅漢甲三十萬曾

以事匈奴但見沙場死誰憐塞上

一作孤

樂羊為魏將食子殉軍功骨肉且相薄他人安得

忠吾聞中山相乃屬放麀翁孤獸猶不忍况以奉

君終

屬于於西巴者孟孫也非中山相也劉須谿云事雖誤用語自可傳

市人矜巧智於道重童蒙傾奪相夸侈不知身所

終曷見玄真子觀世玉壺中窅然遺天地乘化入無窮

吾觀龍變化乃知至陽精石林何冥密幽洞無留行古之得仙道信與元化并玄感非象

一作識誰

能測淪冥

一作沈溟

世人拘目見酣酒笑丹經崑崙有

瑤樹安得采其英

白日每不歸青陽時暮矣茫茫吾何思林卧觀無

始衆芳委時晦鶉鳩悲鳴

一作鳴悲

耳鴻荒古已頽誰

識巢居子

吾觀崑崙化日月淪洞冥精魄相交會一作天壤

以羅生仲尼推太極老聃貴窈冥西方金仙子崇

議一作義乃無明空色皆寂滅緣業定一作亦何成名

教信紛藉死生俱未停

聖人秘元命懼世亂其真如何高公輩一作譎

誤時人先天誠為美階亂禍誰因長城備胡寇羸

禍發其親赤精既迷漢子年何救秦去去桃李花

多言死如麻

深居觀元化一作羣動悱然爭朵頤讒說相啖食利害

紛嘖嘖便便夸毗子榮耀更相持務光讓天下商
賈競刀錐已矣行采芝萬世同一時

吾愛鬼谷子青谿無垢氛囊括經世道遺身在白

雲七雄方龍鬪天下亂一作無君浮榮不足貴遵

養晦時文舒可一作彌宇宙卷之不盈分豈徒山

木壽空與麋鹿羣

呦呦南山鹿懼罟以媒和招搖青桂樹幽蠹亦成

科世情甘近習榮耀紛如何怨憎未相復親愛生

禍羅瑤臺傾巧笑玉杯殞雙蛾誰見枯一作城藥

青青成斧柯

林居病時久水木澹孤清閒卧觀物化悠悠念無

一作生青春始萌達朱火已滿盈徂落方自此感

嘆何時平

臨岐泣世道天命良悠悠昔日殷王子玉馬遂朝

周寶鼎淪伊穀瑤臺成古丘西山傷遺老東陵有

故侯

貴人難得意賞愛在須臾莫以心如玉探他明月

珠昔稱天桃子今為春市徒鷓鴣悲東國麋鹿泣

姑蘇誰見鴟夷子扁舟去五湖

聖人去已久公道緬良難蚩蚩夸毗子堯禹以為

謾驕榮貴工巧勢利遞一作相干燕王尊樂毅分

國願同歡魯連讓齊爵遺組去邯鄲伊人信往矣

感激為誰歎

幽居觀大一作運悠悠念羣生終古代興沒豪聖

莫能爭三季淪周赧七雄滅秦嬴復聞赤精子提

劍入咸京炎光既無象晉虜復縱橫堯禹道已昧

昏虐勢方行豈無當世雄天道與胡兵咄咄安可

言時醉而未醒仲尼溺東魯一作夏伯陽遁西溟大
運自古來旅人胡歎哉

透迤勢已久骨鯁道斯窮豈無感激者時俗頽此
風灌園何其鄙皎皎於陵中一作子世道不相容嗟

嗟張長公

聖人不利已憂濟在元元黃屋非堯意瑤臺安可
論吾聞西方化清淨道彌敦柰何窮金玉雕刻以
為尊雲構一作架山林盡瑤圖珠翠煩鬼工尚未可
人力安能存夸愚適增累矜智道逾昏

玄天幽且默羣議曷嗤嗤聖人教猶在世運久陵

夷一作遲一繩將何繫憂醉不能持去去行采芝勿

為塵所欺

蜻蛉遊天地與世本無患飛飛未能止一作去黃雀

來相干穰侯富秦寵金石比交歡出入咸陽裏諸

侯莫敢言寧知山東客激怒秦王肝布衣取丞一作

卿相千載為辛酸

微霜知歲宴斧柯始青青况乃金天夕浩露霑羣
英登山望宇宙白日已西暝雲海方蕩瀟孤鱗安

得寧

翡翠巢南海雄雌珠樹林何知美人意驕愛比黃

金殺身炎州裏委羽玉堂陰旖旎光首飾葳蕤爛

錦衾豈不在遐遠虞羅忽見尋多材信一作固為累

歎息此珍禽劉須谿云多是歎世而卒不免於禍子昂其子雲乎

挈瓶者誰子姣服當青春三五明月滿盈盈不自

珍高堂委金玉微縷懸千鈞如何負公鼎被欵笑

時人

玄蟬號白露茲歲已蹉跎羣物從大化孤英將柰

何瑤臺有青鳥遠食玉山禾崑崙見玄鳳豈復虞

雲羅

荒哉穆天子好與白雲期宮女多怨曠層城閉蛾

眉日耽瑤池樂豈傷桃李時青苔空萎絕白髮生

羅帷

朝發宜都渚浩然思故鄉故鄉不可見路隔巫山

陽巫山綵雲沒高丘正微茫佇立望已久涕落一作

沾衣裳豈茲越鄉感憶昔楚襄王朝雲無處所

荆國亦淪亡

詩已

言糸
昔日章華宴荆王樂荒淫霓旌翠羽蓋射兕雲夢
林竭來高唐觀悵望雲陽岑雄圖今何在黃雀空
哀吟

丁亥歲云暮西山事甲兵羸粮匝叩道荷戟爭羌

城嚴冬陰風勁窮岫泄一作油雲生昏曠一作曠無晝

夜羽檄復相驚拳跼競萬仞崩危走一作遠九冥籍

籍一作寂峯壑裏哀哀冰雪行聖人御宇宙聞道泰

階平肉食謀何失藜藿緬縱橫

可憐瑤臺樹灼灼佳人姿碧華映朱實攀折青春

時豈不盛光寵榮君白玉墀但恨紅芳歇凋傷感
所思

竭來豪遊子勢利禍之門如何蘭膏歎感激自生

冤一作怨眾趨明所避時棄道猶存雲淵既已失羅

網與誰論箕山有高節湘水有清源唯應白鷗鳥

可爲一作與洗心言

索居猶一作獨幾日炎夏忽然衰陽彩皆陰翳親友

盡睽違登山望不見滄泣久漣洏宿昔一作夢感顏

色若與白雲期世中一作馬上驕豪子驅逐正蚩蚩蜀

山與楚水携手在何時

金鼎合神

一作還

一作

丹世人將見欺飛飛騎羊子胡乃

在峨眉變化固非類芳菲能幾時疲痾苦淪世憂

悔

一作海

日侵淄眷然顧幽褐白雲空涕洟

朔風吹海樹蕭條邊已秋亭上誰家子哀哀明月

樓自言幽燕客結髮事遠遊赤丸殺公吏白刃

一作

報私讎避讎至海上被役此邊州故鄉三千里

遼水復悠悠每憤胡兵入常爲漢國羞何知七十

戰白首未封侯

本爲貴公子平生實愛才感時思報國拔劍起蒿

萊西馳丁零塞北上單于臺登山見千里懷古心

悠哉誰言未忘禍磨滅成塵埃

浩然坐何慕吾蜀有峨眉念與楚狂子悠悠白雲

期時哉悲

一作怨

一作

不會涕泣久漣洏夢登綏山穴南

采巫山

一作江

一作

芝探元觀羣化遺世從雲螭婉變時

永矣感悟不見之

朝入雲中郡北望單于臺胡秦何密邇沙朔氣雄

哉藉藉天驕子猖狂已復來塞垣無名將亭堠空

崔嵬咄嗟吾何歎邊人塗草萊

仲尼探元化幽鴻順陽和大運自盈縮春秋遞一作

迭來過盲飈忽號怒萬物相紛劇溟海皆震蕩孤

鳳其如何

觀荆玉篇 并序

丙戌歲余從左補闕喬公北征夏四月軍幕次于張掖河河洲草木無他異者唯有仙人杖往往叢生幽朔地寒與中國稍異予家世好服食昔常餌之及此役也而息意茲味或有薦嘉蔬

者此物存焉輟爾而笑曰始者與此君別不圖至是而見之豈非神明嘉惠將欲扶吾壽也因為喬公昌言其能時東萊王仲烈亦同旅舍聞而大喜甘心食之已旬有五日矣適有行人自謂能知藥者謂喬公曰此白棘也公何謬哉仲烈愕然而疑亦曰吾怪其味甘今果如此喬公信是言迺譏予作采玉篇謂宋人不識玉而寶珉石也予心知必是猶以獨見之故被奪於眾人迺喟然而歎曰嗟乎人之大明者目也心之

至信者口也夫目照五色口分五味玄黃甘苦
亦可斷而不惑矣而路傍一議二子增疑况君
臣之際朋友之間乎自是而觀則萬物之情可
見也感采玉詠而作觀玉篇以答之并示仲烈
譏其失真也

鷓夷雙白玉此玉有緇磷懸之千金價舉世莫知
真丹青非異色輕重有殊倫勿信玉工言徒悲荆
國人

鴛鴦篇

飛飛鴛鴦鳥舉翼相蔽
脰俱來綠潭裏共向白雲
涯音容相眷戀羽翮兩
逶迤蘋萍戲春渚霜霰
遶寒池浦沙連岸淨汀
樹拂潭垂年年此遊翫
歲歲來追隨鳳皇起丹
穴獨向棲一梧桐枝鴻鴈來紫
塞空憶稻梁肥烏啼倦
依託永一作鶴鳴傷別離豈
若此雙禽飛翻不異林
刷尾青一作江浦交頸紫
山岑文章負奇色和鳴
多好音聞有鴛鴦綺復
有鴛鴦衾持爲美人贈
勗此故交心

與東方左史虬脩竹篇

并書

東方公足下文章道弊五百年矣漢魏風骨晉
宋莫傳然而文獻有可徵者僕嘗暇時觀齊梁
間詩彩麗競繁而興寄都絕每以永歎思古人
常恐邈透一作透迤頽靡風雅不作以耿耿也一昨
於解三處見明公詠孤桐篇骨氣端翔音情頓
挫光英朗練有金石聲遂用洗心飾視發揮幽
鬱不圖正始之音復覩於茲可使建安作者相
視而笑解君云張茂先何敬祖東方生與其比
張肩僕亦以為知言也故感歎雅製作脩竹詩一

首當有知音以傳示之

龍種

一作鐘龍

生南嶽孤翠鬱亭亭峯嶺上崇萃煙雨

下微冥夜聞鼯鼠叫晝聒泉壑聲春風正淡蕩白
露已清泠哀響激金奏密色滋玉英歲寒霜雪苦
含彩獨青青豈不厭凝冽羞比春木榮春木有榮
歇此節無凋零始願與金石終古保堅貞不意伶
倫子吹之學鳳鳴遂偶雲和瑟張樂奏天庭妙曲
方千變簫韶亦九成信蒙雕斲美常願事仙靈驅
馳翠虬駕伊鬱紫鸞笙結交羸臺女吟弄昇天行

詩紀

力亭卷之三十一

言絲
不居卷之三十一
攜手登白日遠遊戲赤城低昂玄鶴舞斷續彩雲
生永隨衆仙逝三山遊玉京禮美常願事山靈

命子六薊丘覽古贈盧居士藏用七首并序

丁酉歲吾北征出自薊門歷觀燕之舊都其城

池霸業迹已蕪昧一作沒矣乃慨然仰嘆憶昔樂

生鄒子羣賢之遊盛矣因登薊丘作七詩以志

之寄終南盧居士亦有軒轅之遺跡也

請野軒轅臺

北登薊丘望求古軒轅臺應龍已不見牧馬空一作

字黃埃尚想廣成子遺迹白雲隈

燕昭王

南登碣石坂一作館遙望黃金臺丘陵盡喬木昭王

安在哉霸圖悵已矣驅馬復歸來

樂生

王道已淪昧戰國競貪兵樂生何感激仗義下齊

城雄圖竟中天遺歎寄阿衡

燕太子

秦王日無道太子怨亦深一聞田光義七首贈千

言系 初唐卷之二十一 十三
金其事雖不立千載為傷心

田光先生

自古皆有死狗義良獨稀柰何燕太丹一作子尚使

田生疑伏劍誠已矣感我涕沾衣

鄒子

大運淪三代天人罕有窺鄒子何寥廓謾說九瀛

垂興亡已千載今也則無推一作為

郭隗

逢時獨為貴歷代非無才隗君亦何幸遂起黃金

臺闕

西還至散關答喬補闕知之

歲蕤蒼梧鳳嘹唳白露蟬羽翰本非匹結交何獨

全昔君事胡馬余得奉戎旃携手向沙塞關河緬

幽燕芳歲幾陽止白日屢徂遷功業雲臺薄平生

玉佩捐歎此南歸日猶聞北戍邊代水不可涉巴

江亦潺湲攬衣度函谷銜涕望秦川蜀門自茲始

雲山方浩然

剡口大度峽口山贈喬補闕知之王二無競

詩紀

初唐卷之二十一

十三

峽口大漠南橫絕界中國叢石何一作相紛紜一作糾

赤山復翕絕遠望多衆容逼一作迫之無異色崔萃

乍孤斷透迤屢迴直信關胡馬衝亦距漢邊塞豈

依一作伊河山險將順休明德物壯誠有衰勢雄良

易極邈迤忽而盡決漭平不息之子黃金軀如何

此荒域雲臺盛多士待君丹墀側

題居延古城贈喬十二知之

聞君東山意宿昔紫芝榮滄洲今何在華髮旅邊
城還漢功既薄逐胡策未行徒嗟白日暮坐對黃

雲生桂枝芳欲晚蕙苾諒誰明無爲空自老含歎
負生平

贈趙六貞固二首

回中烽火入塞上追兵起此時邊朔寒登隴思君
子東顧望漢京南山雲霧裏

赤螭媚其彩婉孌蒼梧泉昔者瑯琊子躬耕亦慨

然美人豈遐曠之子乃前賢良辰在何許白日屢

頽遷道心固微密神用無留連舒可彌宇宙攬之

不盈拳蓬萊久蕪沒金石徒精堅良寶委短褐閒

言糾
初唐卷之二十一
五
琴獨嬋娟

答韓使同在邊

漢家失中策胡馬屢南驅
聞詔安邊使曾是故人
謨廢書悵懷古負劍許良圖
出關歲方晏乘障日
多虞虜入白登道烽交紫塞
途連兵屯北地清野
備東胡邊城方晏閉斥堠始
昭蘇復聞韓長孺辛
苦事匈奴雨雪顏容改縱橫
才位孤空懷老臣策
未獲趙軍租但蒙魏侯重
不受詢書誣當取金人
祭還歌凱入都

征東至淇門答宋參軍之問

南星中大火將子涉清淇
西林改微月征旆空自
持碧潭去已遠瑶華一作折遺誰若
君一作問遼陽
戍悠悠天際旗

答洛陽主人

平生白雲志早愛赤松遊
事親恨未立從宦此中
州主人亦何一作何發問旅客
非悠悠方謁明天子清
宴奉良籌再取連城壁
三陟平津侯不然拂衣去
歸從海上鷗寧隨當代子
傾側且沈浮

酬暉上人秋夜山亭有贈

皎皎白林秋微微翠山靜禪居感物變獨坐開軒

屏風泉夜聲雜絕一作月露宵光冷多謝忘機人塵

憂未能整

酬李參軍崇嗣旅館見贈

昨夜銀河畔星文犯遙漢今朝紫氣新物色果逢

真言從天上落乃是地仙人白壁疑冤楚烏裘似

入秦摧藏多古意歷覽備艱辛樂廣雲雖覩夷吾

風未春鳳歌空有問龍性詎能馴寶劍終應出驪

珠會見珍未及馮公老何驚孺子貧青雲儻可致

一作北海憶孫賓

酬暉上人夏日林泉

聞道白雲居窈窕青蓮宇巖泉萬丈流集作流樹

石一作石室千年古林卧對軒牕山陰滿庭戶方釋塵

事勞一作勞事從君襲蘭杜

同宋參軍之問夢趙六贈盧陳二子之作

曉霽望高丘一作岳白雲半巖足氛氲涵翠微宛如

瀛一作瀛臺曲故人昔所尚幽琴歌斷續變化竟無

言糸
初唐卷之二十一
常人琴瑟兩亡白雲失處所夢想暖容光疇昔疑
緣業儒道兩相妨前期許幽報迨此尚茫茫晤言
既已失感歎恨一作情何一始憶攜手期雲臺與峨
眉達兼濟天下窮獨善其時諸君推管樂之子慕
巢夷柰何蒼生望卒爲黃綬欺銘鼎功未一作立
山林事亦微撫孤一流慟懷舊日且一作睽違盧子
尚高節終南卧松雪宋侯逢聖君驟馭一作遊青
雲而我獨蹭蹬語默道猶屯征戍在遼陽蹉跎歲
再黃丹丘恨不及白露已蒼蒼遠聞山陽賦感涕

下沾裳

送別出塞

平生聞高義書劍百夫雄言登青雲去非此白頭
翁胡兵屯塞下漢騎屬一作雲中君爲白馬將腰
佩駢角弓單于不敢射天子佇深功蜀山余方隱
良會何時同

登薊丘樓送賈兵曹入都

東山宿昔意北征非我心孤負平生願感涕下沾
襟暮登薊樓上永望燕山岑遼海方漫漫胡沙飛

言終
初唐卷之二十一
一八
且深峨眉杳如夢仙子曷由尋擊劍起歎息白日
忽西沈聞君洛陽使因子寄南音

夏日暉上人房別李參軍崇嗣

并序

考察天人旁羅變動東西南北賢聖不能定其
居寒暑晦明陰陽不能革其數莫不雲離雨散
奔馳於宇宙之間宋遠燕遙泣別於關山之際
自古來矣李參軍白雲英冑紫氣仙人愛江海
而高尋頓風塵而未息來從許下月旦出于龍
泉言入蜀中星文見於牛斗野亭相遇逆旅承

歡謝鯤之山水暫開樂廣之雲天自樂思道林
而不見悵若有亡詣祇樹而從遊 然舊欵高

僧展袂大士臨筵披 路之天書坐琉璃之寶
地簾帷後闌拂鸚鵡之香林欄檻前開照芙蓉
之綠水討論儒墨探覽真玄覺周孔之猶述知
老莊之未悟遂欲高扳寶座伏奏金仙開不二
之法門觀大千之世界歡娛恍晚離別行催紅
霞生而白日歸青氣凝而碧山暮驪歌斷引抗
手將辭江漢浩浩而長流天地居然而不動嗟

乎色爲何色悲樂忽而因生誰去誰來離會紛
而妄作俗之迷也不亦煩乎各述所懷不拘章
韻

四十九變化一十三死生翕忽玄黃裏驅馳風雨
情是非紛妄作寵辱坐相驚至人獨幽鑒一作窈覽
窈隨昏明咫尺山河道軒牕日月庭別離焉足問
悲樂固能并我輩何爲爾栖皇猶未平金臺可攀
陟寶界絕將迎戶牖觀天地階基上杳冥自超三
界樂安知萬里征中國要荒內人寰宇宙榮弦望

如朝夕寧嗟蜀道行

秋園卧病呈暉上人

幽寂曠日遙林園轉清密疲痾澹無豫獨坐汎瑤
瑟懷挾萬古情憂虞百年疾綿綿多滯念忽忽每
如失緬想赤松遊高尋白雲一作紫庭逸榮吝始都喪
幽人遂貞吉圖書紛滿牀山木藹盈室宿昔心所
尚平生自茲畢願言誰見知梵筵有同術八月高
秋晚涼風正蕭瑟

登澤州城北樓讌

言終
補唐卷之二十一
平生倦遊者觀化久無窮復來登此國臨望與君
同坐見秦兵壘遙聞趙將雄武安君何在長平事
已空且歌玄雲曲御酒舞薰風勿使青衿子嗟爾
白頭翁

騷體

山水粉圖

山圖之白雲今若巫山之高丘紛羣翠之鴻溶又
似蓬瀛海水之周流信夫人之好道愛雲山以幽
求

絲樹歌

嘉錦筵之珍樹兮錯衆絲之氛氲狀瑤臺之微月
點巫山之朝雲青春兮不可逢况蕙色之增芬結
芳意而誰賞然絕世之無聞紅榮碧艷坐看歇素
華流年不待君故吾思崑崙之琪樹厭桃李之繽
紛

春臺引

寒食集畢
錄事宅作

感陽春兮生碧草之油油懷宇宙以傷遠登高臺
而寫憂遲美人兮不見恐青歲之遂適從畢公以

言終
和唐卷之二十一
三十一
酣飲寄林塘而一留採芳蓀於北渚憶桂樹於南
州何雲木之美麗而池館之崇幽星臺秀士月旦
諸子嘉青鳥之辰迎火龍之始挾寶書與瑤瑟芳
蕙華而蘭靡乃掩白蘋藉綠芷酒既醉樂未已擊
青鍾歌淥水怨青春之萎絕贈瑤臺之旖旎願一
見而道意結衆芳之綢繆曷余情之蕩漾矚青雲
以增愁悵三山之飛鶴憶海上之白鷗重曰羣仙
去兮青春頽歲華歇兮黃鳥哀富貴榮樂幾時兮
朱宮碧堂生青苔白雲兮歸來

雜體

登幽州臺歌

見升菴詩話

前不見古人後不見來者念天地之悠悠獨愴然
而涕下

西漢

初唐第二十一



